

紫峴山人全集

紫峴山人詩集卷十

湘潭張九鉞度西著

姪孫家棧重刊

豫章官集

乾隆甲申至己丑

先生以才見忌故寄閩見擯出就吏職皆閱歷自傷之言
歷南豐歲計統食人數羅半之雖上官嚴微切責弗顧
也補缺江葦靜鏡堂取陸士衡我靜如鏡民動如煙之意
自書以名其堂家枳權峽江時額尚存集十景圖詩序為
邑人脩志山川為之生色充是科分校得楊護卷才氣閉
博而字句錯訛為立副本逐句更正之榜發取墨卷校對
悉合豫章諸先達感其事訛南昌修貢院增號舍賑災茶
座白帶豫章官集凡六
要去著豫章官集二集
年詩亦曰豫章二集

朱松侶送我廣甯門外脫佩刀相贈酬以歌

徐州豪士有朱蕃送我夜出春明門
筵前佩刀脫相贈繫我腰間
雙溪石憶昨四五酒人雄
金陵市樓銅街東君出佩刀光霍霍黃
雞快劈斲肩斫十三定子花絡索琵琶急彈白翎雀
掀髯怒叱幽

并兒熱酒千觴不敢醺誰知良會未可常青天大道愁茫茫人生
仕進那得料三公豈必符王祥君兄事我我弟畜感君意氣如山
嶽舞劍赭羅曳地扶歌詩九墨攜懷逐雪中每解青綺裘橫覆我
身抱我足佩君刀酌君酒明星出地一丈走門外風吹萬楊柳感
此平生一片心鼓刀屠市夫何有君才凜凜如昆吾酒酣肝膽傾
豪麤鋒鏑入世當斂戢慎毋輕解雙鹿盧我今鉛刀聊試淬不堪
追憶長安肆寶此沈沈秋水光五日摩挲仍入笥思君不見刀在
手祇恐出之化龍吼延津會合當有時地北天南共翹首

登濟甯州太白樓

獨以一尊酒來登太白樓桃花飛不散汝水至今流誰解金龜帶
還披紫綺裘門前東越路吾亦具扁舟

韓金匱湘纍席上醉作長歌兼酬鄒玉章陶葦渡兩孝康

黃塵漫春二千里風雨渡河寒未已今晨稍晴霽始見九龍山
前忽遇韓夫子使我碑元開心顏憶昔乾隆辛酉歲崢嶸太學人
文會觀經槐市三百人伐鼓撞鐘考同異我時與君年相亞各提
旗鼓不相下司成倒屣公卿迎長篇短詠江河瀉淨業湖深擲颺
吼打聽雪片大如手永嘉之周蘭溪柳泊莊傾杯舞劍蛟螭走天
台雁蕩一萬丈鍋壁青瑤字如斗兩丸出入懷袖間東方七星掉
其首我亦天梯踏衡岳手摩玉簡題蚪蚪豪談驚縮幽并兒燈花
落几黃雲厚我醉眠時枕君肘不覺紅日穿深牖南北分飛二十
年音書邈隔空雲煙我作諸侯老賓客君亦手版隨高旃長安握
手再相見白髮欲出風蕭然君才十倍猶作邑秦松日觀非疇昔
竭來獨發金圓藏出手萬夫皆辟易二泉迸地桃花流長松挈洞
啼春鳩李公臺巔望笠澤茫茫八極青天浮青絲舴船白紵謳鵝

笙鷓鴣壓兩頭陶君起歌鄒君舞我行不得仍淹留小樓夜月流
金梭君爲我更洗巨羅急呼鄒陶二子至分曹射覆紛婆娑梁溪
鯉魚尺半多枇杷杏子紅磊砢美人斂袖揚雙蛾其若闌干北斗
何罄君盤爲君歎不見高刷吹臺逢李杜又不見城南聯句孟與
韓東坡淮海一去文游寒古來豪傑只如此吾輩別離何足歎

泛舟三潭采萼作同雷雷峯蘇杏圃祝芷塘

天收花雨西湖綠湖裏香萼三月熟湖濱女兒拏舫行三五遙歌
采萼曲公子雄豪趁清曉行廚絡繹三潭繞湘湖昨食味不鮮自
擷新絲供饌早錢王塢下風紋漪荷錢荇帶紛牽疑入掌無聲翻
蜥蜴走舩卻喜黏蟭蟧漁童眼明手又疾左右參差鬪尋摘雉躬
堆船滑不勝燕釵折股柔猶滴西泠水濯冰簟散小魚戢戢游行
繁那得秋風問步兵已覺心脾解塵絆廚爨和以黃雞汁落釜不

粘方法捷未覺金盤下箸無祗愁玉手催匙急與君欲別緩闌漿
渴失微醒更蕭爽四天洗盡碧玻璃一嘯千峯萬峯朗

飲蘭溪會恕堂明府署

春波潑水繡紋香美酒金華琥珀光三尺江魚騰網出十分山月
照人涼天涯此夕心誰負舊友相逢味轉長不怨文章近寥落如
君白髮尙爲郎

署中西軒落成召僚佐小飲看軍山顏曰襟爽

軍山如飛來綠我江上城紅日一萬家浩浩皆春聲民甦吏乃靜
吾軒亦落成何以答神庥潔此樽中醒花間雜賓從雅歌謝等笙
剴然巖壑開好鳥鳴嚶嚶名山錫清俸天地憐浮生雲霞作新交
爽氣相逢迎頗聞中峯頂一俯章貢平更當荷長鑣同作采藥行
軍山處士曾早白見投長篇奉答

軍山屹立雄一區，毅如峩冠博帶偉。丈夫清泉秀石相縈紆，又如
高人隱士靜且癯。曾君世居軍山下，柴門不正屋無瓦。圖籍雞豚
聚一堂，易米日成扇。幾把千金垂囊洗，立盡稚子飢寒露兩髀。君
壻趙山南，我之舊相識。知君負奇姿，清秋厲鵬翮。茲來不見見軍
山，凜凜青霄八千尺。今朝投我長詩歌，滔滔袞袞浮江河。王仙郭
仙浮邱伯，金支翠旗紛蕩摩。或騎文狸或朱虎，鬼怪百出紛戲訶。
鸞笙吹月翩然下，麻姑欲醉朱顏酡。雷轟鐵鎖不可上，啼猿渺渺
愁嵯峨。讀之大叫急，走逐掉頭已入軍山阿。吳雲顧絳逢不早，關
中屈復骨亦槁。近來處士能詩者，君與山東朱震好。朱君彈鋏在
侯門，君以軍山抱璞老。我竊浮名何所用，秋風常抱文章痛。獨慙
青眼行萬里，一見雄才每推重。知己蒼茫會有神，何必琴樽朝夕
共。盱江瀾瀾瑤浦深，美人相隔瑤華音。白雲一望皆秋水，明日軍

山何處尋

宿申山寺

夜久山煙深遂投僧寮住月出四五峯江聲在高樹壁燈閃霜氣
焚香洗塵慮落葉若有人風泉與之助寥寥永不寐天海自遙憐
開士說不知驅車出門去

宿章山寺適友人來話

出城忘近遠稍愜吏懷靜夕陽下章山到寺忽已暝江清霜氣厚
月澹孤天定經聲若無人落葉出幽聽之子非夙期載酒作選勝
同爲索米客尙守舊燈檠中宵寂言辭松子落苔徑亦知禪味薄
但乞瞿曇證流泉入戶牖星斗下天鏡勿驚馴鹿眠相別在風磬

校童子試

不鄙文章賤不悔官職微所恨天下士不得羅致之童子雖小試

風氣可轉移安知賢公卿發軔不在茲南豐古大州山川奧而奇
其民勇從義其士富文辭四十耄穉生風簷淚幾時豈遂負初心
而以塵自縊遴選佩觿秀局之如棘闢粗糲腐儒餐相對墨淋漓
使其氣奮揚不壓黃金卑秉公大決擇甲乙寸心知毛羽須養成
辦香有宗師汲古在窮經毋競聲脫爲散衙明月上簾捲遙山姿
手嗅金粟花一詠傾一卮

望麻姑山卽蔡經舊宅

夜飲麻姑酒朝望麻姑壇山氣作清秋變化非一端煙嵐枕秀水
風露澄早寒深疑取逕絕瀾迺得勢寬屏此時江流彩虹交鬱盤
城郭天鏡中濃作酒色看祇疑神功泉仙乳流霞丹不知碧桃花
至今猶未殘吳門事杳然誰贈鱗脯餐蓬萊幾清淺吾思問青鸞
登從姑山

麻姑與從姑隔水可呼應似對洗頭盆同開碧玉鏡豈無邢尹分
恐是魯衛媵座吹弟子笙樂奏侍女磬迺知造化巧用意在幽境
谿筍一綫天宛轉出纖磴殘日青蓮香秋風藥苗盛仙壇見千峯
遙鬟更鮮靚指點華子谷恹恹雲關徑當尋謝公屐尋源攬其勝
洋和尚歌

洋和尚姓曾南豐瑤埠村人少歷塞上有勇智

國初聞逆耿精忠遣僞帥窺南豐和尚據山築寨團練鄉
勇以保村里殺賊無算賊欲棄去畏躡其後遂相持兩
月會大兵至建昌賊駭走寨得全和尚八十餘以壽終
鄉人祀之於社云

吾聞南豐壯士洋和尚虬髯碧眼番僧相十三被掠傭塞上長負
藥韃隨大將四十脫身鄉里歸逢人撫掌談兵機能騎驢馬挽鐵

弩試之矯若秋鷹飛耿逆鷗張窺閭嶺無有一城無賊警南豐大
邑扼咽喉自來甌脫防馳騁洋和尚能勇且智千室倚爲捍禦計
據山築寨聚餽糧投距超乘練子弟石角虎牙怒下瞰賊仰望之
先破膽蟻附誰能懸布登猿窺立駭雲梯斬長刀潛出斫賊摧大
呼汝帥戴頭來雲中樵汲魚魚出白日不動鳴鉦回早知僞帥空
營至設伏用謀密作備椎牛誓眾眾憤騰彈丸裹以忠義氣橫天
鎗礮飛黑雨鬼馬疑從吼貔虎婦女擊在爭助之谷繳山轟下雷
斧賊傷七八亡其旗以手指寨誓屠之長圍深塹六十日誰知屹
嶮如初時死士建昌飛告急王師大隊長驅入甯都以北掃鯨鯢
猶捉長刀寨門立官職不貪金不喜保我村莊心力止幸免沙場
作鬼雄誰誇報國稱男子優游八十得考終繪容配社趨牲醴直
過除害周安東豈殊歃血程靈洗西吳半壁捍不驚功成一寨今

猶名

國家養士得士力野人亦足爲干城我來歇馬當寨口九十餘年
忽回首老樹懸泉尙駭人衝風鐵騎嶠山走

道川子歌

道川子雷姓謙其名聞之甯化人工人物花卉禽鳥與
瘦瓢子齊名客南豐爲家君繪楓葉各圖又繪江樓雜
佩二十四冊最工

道川子汝友黃瘦瓢畫走吳越雄其曹喧闐車馬看揮毫汝之得
名工且勞只今布衣紉履長客盱江皋道川子吾愛氣沉而學博
自從仇英後二百餘年無此作曹衣吳帶得其真崔白邊鸞不受
縛南豐老友湯亦廬語我欲交雷子無洲然道貌出揖我一見膠
漆如故初家君楓林冊宇內窮畫藪後來誰擅場歛州江行九往

往語我嘆難得寫生手。道川子古來無工折枝楓。汝昨十二冊各巧不同。風雲雪月變幻神無窮。何況禽鳥工意復工似孤標雅趣兼爲雄。江樓雜佩事與殫。二十四冊結構難。閉門十日心爲丹。手出一冊善本琵琶彈。滿堂驚駭復歎息。疑有神助非人力。蕭蕭宣紙不盈尺。二百餘人走絡繹。雲窗霧閣連青門。柳棚交倚花市繁。商賈牛車堆羅綺。仕女寶馬摩朱輪。小樓突出女郎身。檀槽一撥楓香新。廣場仰視不動塵。街西愁殺康崑崙。清明上河圖久擅。宋家進御緝熙殿。見茲始笑張擇端。猶是縱橫寫長卷。男兒不合生遠坳。蒼茫獨立守溪藤。珠光玉彩在篋底。通都大邑何由稱。當時不逢朱成國。世人那識林良鷹。我聞長安裝演者。但得憑瓢零。墨珍彙鮮不索一錢口。爲吟道川子。我欲汝橐筆硯囊。琴索北隨此冊走京洛。先爲貴人下筆開生面。一日聲名滿畫苑。龍箋鳳紙。

足經營文綺白金堆燦爛然後歸臥翠華之山釣柘湖之水供養
煙雲作仙史安得蹤跡不出閩日貌尋常行路人徒令餓肝琢腎
決肯吮筆傷心神

望豫章龍沙道中戲歌

江從南來浩呼洶山從西來鬱龍旋沙從北來蹴飛湧長風吹沙
沙入城沙作龍甲聲龍聲城高嶼岼不動旌月爲繁星日爲雪不
高不痺亦不缺踏之怒打腰髀沒山川精靈幻光彩不知所以但
嗟駭吾欲茫茫叩真宰

人日自甯都歸路昏黑聶勤功孝廉遣人以炬迎宿蛟池
書舍賦謝

黃茅風腥虎飢出初月沈山山竹密怪鳥長啼搗鼓潭前後行人
慘相失不有聶君攜炬來祇愁鬼窟臨倉卒沿山燈火照到門兄

弟相迎入書室。煖湯濯足促叫呼。家醞傾餅愛真率。盤堆辛菜戶
縣花始記今朝是人日。紅梅垂檻初坼苞。黃橘壓樓尙留實。書愛
鄰侯手新觸。詩續夷中口頻述。羨君高臥不入城。意氣獨與我親
暱。龍蛇虎鼠用無定。鐘鼎山林事則一。休從裘馬歎五陵。且向蛟
池洗彩筆。招魂勞吏問何如。明日軍山尙嶢峩。

題甯化邱子超長松飛瀑圖

邱翁畫松不似松。其勢直立武彝峯。摩天孤頂禿欲死。下插潭水
掣蒼龍。深堂六月怒鬱熱。忽見冥冥散寒雪。客來四壁悄無言。界
破長虹銀漢穴。有松有瀑有亭子。何苦青鞋泥泥滓。君將采藥仙
掌巖。余歸把釣瀟湘水。子適有歸志

初補峽江之任作

不入霓裳隊。來尋野鶴班。天憐非俗吏。

帝賜以名山含景何須珮金庭或可攀移家同葛令雞犬亦蕭閒

望玉笥山

玉笥山

三十二芙蓉來居第幾重紅飛千澗瀑青走半江鐘樹色先秋見
經聲到晚逢長鏡吾早辦採藥上前峯

世傳漢武帝時降玉笥於山故名

梅尉故居

外戚盈庭日南昌棄尉年浮生無姓字亂世有神僊文石居何在
吳門去偶然青鸞飛不到愁鎖萬峯煙

初至峽江書懷二首

松林偃蹇接平沙峽口遙收夕照斜亂石孤城雲一角清江板屋
樹千家池邊署諾童傾墨花裏裁箋吏散衙誰畫葛洪移今日破
書堆滿舊柴車

玉笥排空萬疊煙移家不爲學神仙天安拙宦成中考

帝賜名山住幾年，奉養好資魚稻地。招朋仍足嘯歌緣，雲儲洞裏秋雖好。魂夢平生已晏然，雲儲洞在玉笥山祈夢祠甚驗

玉笥山曉行

仙山不露峯，一掩一重重。雨意在黃蘗，泉聲疑古松。惜花常側帽，駐馬爲尋鐘。忻賞隨時得，甯師謝客蹤。

過玉峽

山削重陰峻，江搖絕壁虛。斷雲千里雁，寒水半江魚。細菊緣霜後，丹楓豔雨餘。誰憑洪谷手，添作釣師居。余自署楓江釣師

樟樹道中望閭皂山

誰憐爲客久，閭皂只崔嵬。雷遠雨疑在，江清秋欲來。潭魚尋網躍，巖菊報人開。玉笥家將近，巾車晚更催。

葺署自慰

稍葺南廂屋先開北牖山親居宜就燥吏事且偷閒卷幔秋雲入
攤書嶺月還嘉魚騰玉峽聊以奉慈顏

棘關對月呈少宰德定圃先生

秋風夜掃東湖雨鎖院森沈吼鼙鼓洪崖嘯落萬峯雲月在深天
桂華吐吉林先生騎鳳驚

帝命鴻都主奎宿麒麟繡壁芙蓉裳珊瑚架壓翡翠軸彩筆如椽
目如炬丹心搜索誰知苦樺燭三條泣鬼神青天一鑑懸今古此
邦自昔稱作者能以孤秀雄天下後來派別遂滔滔風氣猶存面
目假或爲繡輓或虛車三十年來由高寧豈無雙劍久盤鬱屈首
泥沙淚盈把公言以此大決擇僞體盡黜歸都雅滿堂嗟嘆起拱
手舊日風簷各回首知己傾投信有神書生禍命難齊厚虎鼠升
沈自得真雞蟲得失亦何有卽今陶冶入文昌吏部才名尊北斗

參橫月落風轉急
燭花爛熳飛瑤席
不見座中白髮舊門生
停琰

無聲淚霑臆
癸未禮闈九
載卷蒙先生
賞識疑

蕭山寺蕭子雲讀書處

內史茲山小結廬
森森古木六朝餘
毬場尙潤千夫步
墨澗如飛
百濟書故國臺城知不返
顯靈宮墓問何如
碧桃花落黃精老
閒煞雲儲洞裏居

秋日登王筍山絕頂六首

積雨洗天地
秋青萬壑寒
江湖隨鳥上
鐘鼓與梯盤
躋勝憑筋力
凌空借羽翰
致身須福地
說與下方看

路盡三霄上
窗窺五嶺中
山川雜神怪
日月轉鴻濛
欲喚杜雲永
來尋駱法通
青裙無計著
慚愧坐松風

地肺湧羅浮
仙人揖石樓
雲霞金榜字
風雨赤松仙
學古摩世

炎洲想壯遊幾時曾夢到隔澗問青牛

地闢丹砂井神扶白玉梁雷公朝守錄龍女夜焚香石色迷秦代

天風送武皇焚桐如可接今古信翱翔

襖被何峯宿虛壇鬱栢陰丹爐初伏火沆瀣欲流襟星挂空天大

雪眠眾壑沈琅玕三百樹一一鳳鸞音

雲母春爲飯黃精餌作盤乾坤羞吏隱歲月問仙官妻子何能割

雲霄再到難晨芝和露採歸奉老親餐

鰱魚歌

寒星落江霜打急絕壁盤潭浪花入魚鰲翻穴捷若飛小舟嗅踏

百網集鰱魚撥刺出有聲初陽射舫冰梭橫入筐尙畏銀鬚走飛

刃惟看雪縷輕梘子窩南釣壑北崖窾深通洞天宅此間肥美稱

第一放筴金盤留不得舫豔疑浮綠玉脣花凝尙帶丹霞液

王峽鰱魚

以鱗有絲
暗者爲美
我家肯住
峴潭曲
槎頭縮項
繁品目
湘江春後
堆市多
買不論錢
一飽足
自捨漁鄉
入帝鄉
十載候鯖
慚果腹
關東之鰯
脂太厚
冰裏車
馱失真
朴豈如江
味清且
饒長至
以後出
尤數千
頭不費
輓轆致
祇覺荒
廚顏色
異烹鮮
之議吾
已聞入
釣紛紛
陽
鱗棄

周南郡墓下作

赤壁燒殘百萬師
巴邱移鎮上游時
英雄江水皆同盡
事業荊州孰可悲
捲峽長風飛鐵騎
蟠山神火出朱旗
墓前尙有耕人說
斷戟沈沙不敢移
墓前地內耕人往往拾得斷戟如戈戟狀

坐玉筍山六石中作六石歌

上帝作爲洞天與福地
神功那肯相襲沿別搜
萬巧自娛戲破碎
元氣重陶甄
迺命九僊割蓬萊
方壺奇石六列之
玉筍三十六峯

前各各絕附麗一一潛鉤聯界以清溪曲澗之瑩澈縹以錦疇繡
畛之緇芊九僊再拜稽首分而居之瑞蓮遠屏幃芙蓉近簾籬或
二室竒窳或三峩屢屢或飛虹駕梁或複道入衆熊蹲象踞獅狔
龜伏不可以紛狀如揖如讓如鬪如怒如逞姿長松老栝抗臂肘
巨藤細篠穿尻旌白雲穴入復穴出燕蝠橫帶明霞飛衝風吹嵐
衆皴合香氣晻霏皆蔽之仙之朝天駕紫駟虎鼓瑟兮鸞吹笙前
旌後節交紛縈仙之互觴考鐘鼓餐金脂兮吸瓊乳西巖月生東
日吐仙之歸休閉璇房瑤花樹樹葉葉當蘿髮垂磴各不望獨有
吳仙私其孫子中拙遂洞蟠作居址煙翠錯磨金碧斐亶門前一
掬泉云是白玉髓丹砂瀼瀼綠華委日采仙草作麴美號吳神麴
轉需四方
何者一吏人脩巖廣穎長耳而方瞳大羅霓裳不許詠逐之南走
江湖中朝華玉梁龍暮檢玉笥錄飢倚石中飯倦枕石中宿夜夢

神官言君來作吏大不俗奉君六石新主人頭銜那羨八州督助
君腰木斧荷鵬嘴剗瑤芝擷金藥雲永法通贈藥兩丸跪進慈闈
綠鬢朱顏何必上界真人足官府樂哉鞭笞鸞鳳亦足散仙伍無
為青裙坐石中悅悅不欲語君不見梅子真又不見蕭子雲衡風疑衡

滕王閣下逢李杞園郎訂其來峽江署

神仙富貴那可得四十相逢已頭白狂歌擊劍欲何爲同是諸侯
舊賓客寒風打鼓金馬關茶花壓雪紅斑斕誰知我向幽州去君
亦蕭條萬里還有親休嘆作遊誤知汝山中畱不佳袁紹益寒也
待人王郎樓潤須停賦有司繩尺合者偶自古英雄皆俛首章江
浪湧黃葉稀且盡平生一樽酒玉筍山深不厭貧我方採藥愁
親黃精苗肥茯苓厚三十二峯春復春滕王閣下理帆席月殘

雞別可惜若憶樓頭歌舞人祇恐停觴淚沾臆

武闥分校和德野溪明府韻同黃威遠郭蓮村一明府作
再入重闥爽氣清芙蓉花尙綴簷衡劍光新識豐城寶文陣如開
武庫兵此日星堂推雅曲前時官燭憶吟聲翹關負重皆良選
慨誰歌壯士行

宿高山菴樓題壁

山銜半壁一樓險樓下諸峯紫翠沈斜日忽收溪樹合疾雷直破
峽雲深荒茆虎跡聞朝過老竹蟬聲入夜吟枕簟生涼成信宿秋
來不是爲幽尋

謁李忠肅公墓

公諱邦華明都御史墓在鼇山上

巉巖釣魚臺遙對明元峯其下萬里江浩蕩多悲風煌哉李忠肅

墓道臺之東，巨石蹴虎牙。澄潭磨青銅，夕照忽合沓。煙火團丹楓，文章丁末運。氣迺貫白虹，江山已劫灰。其光猶熊熊，立朝思清節。讜論驚愚蒙，驍騎折驕帥。昌黎魏博同，龍鬚不可攀。慷慨鄉祠中，烹豕祀信國。一死何從容，嗚乎監國疏。痛哭宸聰其心明，日月其策回蒼穹。老謀不見用，僅載史冊雄。靈武唐中興，誰知房琯功。天意豈人爲，歎息茲孤忠。

都督嶺行

的脰烏飛拂朱雀，蕭公臥閉臺城角。荊州孤立上游空，誰脫青鞋著芒屨。吳興里司眞英雄，朱衣捧日來江東。主憂臣辱獨灑涕，首清嶺表爲膚功。始興豪傑歸召號，義旗所指先爭導。誰貌龍顏日角人，一代興亡有朕兆。風捲陣雲都督嶺，大舉咫尺相馳騁。一宵南賊變沙蟲，百戰西江無舴艋。二十四灘三百里，江沈巨石龍交。

倚至今萬馬碎鞠聲山鬼驚呼鴻夜起一把子人終難打山家小
兒肉作鮓可惜桓文大霸圖終成操懿欺孤寡白茅灣前盟不守
征東疏計失京口晉陽起甲梁祚移天心廢置人何有沈吟往事
夕陽津贛石當年一會真不見日南犀杖賜海濱猶泣洗夫人

長歌送王鎮之孝廉北上兼寄器之解元

去年別君兄弟富春山桐君潮薄雲氣漫天雞冥冥帆影沒四十
七瀨聞啼猿朔風吹湧江崔嵬君今鼓舵何處來酒酣把劍一長
嘯攜手直上九仙臺贛江水渴蛟龍苦白晝冥冥多寒雨破笠難
耕梅市田短衣不射麋山虎朝臥鬱孤亭暮題青原寺封侯骨相
在塵埃因人車馬何時已與君京兆同翱翔是年材傑羅文昌真
州之施鐵萊陽姜杜悲歌斫地稱王郎莊吳中文采金韻與李卓
邱生夢植善病朱老守蒼侯董君南梁君一翮年少吾家少華尤擅場

君提旗鼓不相下，良會觀者如堵牆。流光如駛三年後，南北升沈各回首。但恨音書隔塞塵，誰知意氣偕盃酒。我今顛顛百僚底，簿領堆仍腰笏委。君才百倍方盛年，虎脊龍文必騰起。沉閭君兄橫彩筆，佛鏡裁眉推第一。濯足遙隨巫峽濤，攜琴同踏春明雪。且續擊鉢吟，休作叩舷歌。世間棋局幻，且多贈君維何白玉珂。欲行不行君奈何。五城十樓桃花赤，故人盡作雲霄客。報章欲寫字不成，江風一夜頭吹白。

以詩促李杞園

東風吹湧大江水，地下周郎眠不起。玉梁飛作蒼龍去，山頭梅樹畱不住。子今抱書何處行，滿頭黃葉皆秋聲。來兮來兮休踟躕，魚正美，越酒清。

夜坐玉澗橋

白雲不出谷黃葉落應稀只有碧天月隨人下翠微琮琴穿澗細
磴雪轉橋飛不用催松炬更深未擬歸

入雲儲洞

夢處

蕭子雲何在雲儲洞色寒孤吟辭客便百感問秋難山鬼收松實
先生愛菊餐浮生元夢覺不必話神官

郁木坑

郁木何年植藤羅百尺封荒唐蛇虎跡想像鳳鸞蹤洞闕香花塢
山肥石韭茸道逢樵斧響莫惹玉梁龍

覆箱峰下題彭氏書樓

獨汝村居好千峯立戶前桃花一溪雨楓葉半樓天捉鰓翻衣濕
呼兒網鯉旋此中事儒術亦足抵神仙

原本作
傲神仙

出玉笥山

昔聞漢武帝空華降真壇我亦不敢宿山深風露寒

汪釐雲游粵過玉峽投詩送行二首

素業皆如此高歌不可聞越禽思有夢代馬戀何羣酒遍燈前髮
帆遲浦外雲諸侯老賓客清淚各紛紛
騎汝一仙羊相隨赤鳳凰越臺多蔓草虞苑只斜陽飽噉荔支臥
橫書貝葉香將軍無揖客珍重酒人狂

曉入玉笥

三十六溪月氤氳翠不明祇疑一夜雨猶是亂泉聲葉墮鴉巢見
林乾虎跡生雲中遙抗手誰識九仙名

題廣濟寺壁時移粵滿洲兵過境余駐長排散餉宿寺內

道光辛巳家棧權家峽江
以事至寺中先生詩尚存

信宿禪關閉攤書對薜蘿階空邀月小樹古得秋多急鼓催飛檄

連營製凱歌誰知儲侍客餘暇此婆娑

赤松峯口

一溪掩一峯峯盡卽長松黃葉出邨路西風何處鐘忽來采藥叟
疑與赤松逢松下各無語白雲回首封

玉笥山口遇雨憩謝生書齋

入山啼竹雞出山竄松鼠誰知玉梁龍催以九峯雨雷聲出峽怪
雲氣冒巖古西風早驚秋蕭蕭入禾黍流泉白滿地相訝無去所
頗有山中人蠶蘿將屋補然竹焙衣裳衝泥挈酒脯休言相慰勞
亦未抵勤苦稍乞場圃滋兼甦蘊隆暑夕陽滿書聲遙峯臥來數

題環玉閣

閣在玉笥山六仙石中爲吳氏別業下瞰仙人泉余題
曰環玉示吳生軻

我行六石中未覺足力緩溪飛白玉匣家築青玉館煙火織綺霞
松栝張翠繖鳥驚簷間出客坐竹根飯小樓嘗然開玉峯俄在眼
樓上白雲厚樓下清泉滿徙倚不可窮祇愁夕陽短靈區繁子姓
地輿禮亦簡心清此天漿貯以琉璃碗吳氏峽江首富徵南潛時必吳氏開斛眾力踴躍道
光辛巳秋賦赴示豐交界勘紫歲貢生吳琦邀余登閣小飲仰瞻題額先生筆也閣下瞰仙人泉清冽在慧錫諸泉上泉之左爲仙人石又左爲鶴石爲溫澗石閣之南爲船石一名龜石其後爲泰石閣之西北曰火石孤峯挺秀幾二千丈瘦如笋碧如玉上無草木矗立水口間爲閤邑文筆真仙境也六石之外九峯環列如羅城然下爲三十六澗奇花巨篠珍禽慧鳥四時不絕惜尖石爲保燒者損余欲示禁吳生辭以利之所爭且肥田宜不如便民余乃止

羅浮花農歌

乙酉秋宿玉笥中夢至一高峯下梅花環繞小橋流水
茅屋疏籬殊非凡境有驅犢老翁指余曰此羅浮玉女
峯下花農居也覺而自署號曰羅浮花農

羅浮花農呼者誰峯頭玉女招何爲石樓萬丈海明滅倒影九仙
臺下月紅霞浩浩山含煙梅花亂插青瑤田璇房瓊室不可見使
我佇立心茫然道逢驅犢一老叟流泉聲裏遙招手君胡放浪久
不歸茆屋竹籬猶記否天雞啼空不知曙仍在雲儲洞口住風搖
松子滿身寒一聲翠羽南飛去前因後果何足論但勿負此花田
春移家葛令圖重畫別有相迎黃野人

滕王閣與德清江黃安義別

帝子樓頭酒深宵散錦囊洪厓畱不住相揖亂雲間余亦乘秋月
先歸玉笥山倘逢雙白鶴多見故人顏

鐵柱觀行

江湖搖搖坤軸徙一片洪州浮不起誰施鐵柱插沈冥萬古老蛟
凝欲死鉤鉗交絡紐鎖壯力破陰崖氣倔強行天日月不照之若

有雷霆夾城仗白石亭子紅欄干鯨鐘靜裏無波瀾行人縮手凭
不得秋風撼撼吹衣寒玉隆宮前楓屨走廡嶽洪崖作戶牖雲中
雞犬欲飛來絳節朱旂一回首吾聞大禹手鎖支無祈淮渦之水
迺安治聖賢利濟心如此仙吏神功豈救時

載拜圖爲臨江參軍王壽亭題

壽亭宰襄陽時朱青雷爲作此圖壽亭置酒維崧堂出
以見示

鄆州王郎昂藏七尺軀朱生貌之傴僂何爲乎峴山怪石玲瓏色
質晉齋頭未收拾襄陽老顛拜不得王郎收之入素壁王郎東貶
二千里石亦隨圖渡章水男呻女吟缶無米石與王郎皆色喜維
嵩堂高江掃風清秋閣皂撐晴空此石此圖懸當中王郎今已成
老翁兩童捉甕雙眼紅斂袍委笏酌一鍾石得酒力出圖雄鬱律

磊砢之氣將毋同嗚乎但得有丈有兄如此石屈膝折腰何足惜
作歌我亦襄陽客

練忠貞公墓下作

火龍翻江江水渾夜焰燒入金川門開門迎賊者誰子滿朝臣宰
皆丹魂中丞奮呼眼如炬手持三尺來哮虎成王安在四字書血
與金城蟠萬古臣舌可斷頸可刺猶完面目歸天地一家百口披
髮行九原去訴高皇帝覆巢完卵千人感海國飄零髮垂髧傭保
終能識漸離金帛爭輸贈蔡琰至今子姓墓祠下良田老屋依靈
馬昭代長霑雨露恩歲時長吏奠杯尊三洲波浪春崔嵬長陵松
柏安在哉吁嗟乎長陵松柏安在哉家杭注忠貞公邑之三洲人墓距宅三百步邑中奉祀生
今尚存家杭會與春秋雨祭

王器之聶勤功王菊莊飲靜鏡軒器之將適越

誰乞江頭石尤風誰送山中九仙雨孤城瑟瑟門不開帆折櫓傾
斷行旅王郎脫劍且斯須欲謁諸侯色休沮我有二客雄且豪目
光如炬氣如虎掀髯握手各大笑仍是青門酒人侶促兒買鯉手
開甕喚婦翦芹親擘脯傾箱倒篋復何辭拓戟椎琴需足取公家
事了合放歌手足輕旋好起舞狂言非古亦非今不知誰客誰是
主豈真天才混木雁可惜文章分虎鼠城頭啞啞曉烏啼起聽巴
邱打津鼓

再謁李忠肅公墓

孤墳懸百尺下俯釣魚臺石抱澄江下山銜夕照來攀髯無返魄

烹豕有餘哀

甲申之變公烹豕祭
交信國祠是夕畢命

不是興靈武誰知房琯才

公疏請太

于監國南京思陵題其詔
爲眾議所撓卒以亡國

清江德野溪明府邀游慧力寺

袁江東抱紫芝回修竹橫江一寺開天外楓林浮浦出雲中橘柚帶帆來經臺翠石香跌坐閣皂新霜翠湧杯痊鶴更尋廉使躡風流先後儼追陪

春暮至章口入言水達明府舟放棹至三更抵清江野溪
明府署劇飲達旦

不是舟中有鄂君一江夜色與誰分遠山喝住半輪月春水飛移兩岸雲小吏列燈催馬急伎童吹笛帶雞聞主人共作長鯨飲檻外紅梅亦喜欣

同人載酒玉泉庵適朱松侶自徐州至兼得任寓園書

山吏尋山日出城殷勤玉筍白雲生深林鳩喚笋初茁古寺客來泉更清塞上音書遊子淚江南明月故人情酒徒狂任長安舊野渡扁舟醉臥橫

宿苦竹灘是陳武帝戰歐陽頎處

久作浮雲看誰憐行役催江清黃葉下人定白鷗來舊事銷街鼓
空天落酒杯漁燈經百戰猶帶亂星回

送家甄齋六兄入粵

嶺路青天峻秋風大海波從茲鴻雁少祇有鷓鴣多對酒思嚴武
裝金問尉陀勞生各煙水無計共雲蘿

送溧陽周奏磐入粵三首

我友理舟楫行行指南方亦知不可留盡我手中觴昔子登燕臺
驂騑競騰驤誰知茫茫風吹落巴邱黃晨風栖北林飛鷺摩層閣
男兒各身手良會何必常嶺門赤鋒車廣州綠絲障子行勿徘徊
佇立遙相望

江頭剖鯉魚中有故人書跪讀問子書故人當何如

出史八錦加
齊寄書中

餐不敢辭顏色各異初海鴻避池潢翠鳥巢三珠子爲慈親遊征
衣綫有餘蠶府慎所投勿輕耀瓊瑤我當報故人稍以慰倚閭
尉陀大霸才歌舞娛邊鄙一見陸大夫不敢私山水遺臺南武曠
其下素馨美秋風勤采采懷之若蘭茝黃金是何物多恐橐中恥
胷洗大海波其文光鬱起歸來騎斑駁作賦報天子

漢陽阮見田赴虔州幕投詩酬之時自涿州至

家世尙書舊風流大阮才曾隨燕筑去忽逐塞鴻來揖客貧逾重
戎書靜好裁更攜步兵酒一上鬱孤臺

以事往來玉峽作詩解嘲

休笑疲奔命吾方借獨遊巖花斑及早江樹老當秋寺任僧興廢
雲隨峽去畱歸來猶把釣不避喜輕鷗

蕭江河燈歌同德野溪明府作呈婁勁節郡伯

蕭江新漲浮晴雪，倒浸春城萬家濶。
祝釐元歲醮殷闌，爆竹轟騰笙管熱。
天花灑道場，飛佛燈照入重淵微。
初疑龍女擎火珠，芝裳繡幌凝碧趨。
蓮花手，撥十萬片片吹作紅珊瑚。
旋如王母丹旄下，漢帝鸞輿銜尾遯。
九微高檠引仙莖，璀璨芙蓉城不夜。
忽如黃池陣中樹，赤羽方圓荼火森。
貔虎又如錢塘戰，龍貴主歸簇簇。
蜺脂競鑊鼓，聚如桃源爛熳蒸。
明霞散如景星連，貝垂天葩動如彩虹。
蜿蜒蕩宮闕，靜如燭龍銜燄行。
衙衙微風不動平，鋪綺開皂半輪懸。
月起長蛟夢，破誰敢騰香霧濛濛。
三十里此時士庶爭喧，天邊太守傳呼來。
紅紗夾擁絳騶出，蘭漿嘔啞綵艦開。
馮夷鼓外金荷轉，羸女簫中錦樹迴。
神歡民樂甯游戲，淑景豐年寫韶媚。
煖律新融大酺詞。司公製大酺詞極非麗
倚篷同倒金叵羅，靖成元夕洞燈曲。
唱作春江水調歌。

汪輦雲自粵東歸投詩答之

汪子交州去歸來惟病身黃金不滿橐何以奉慈親
海大愁難滿詩高骨易貧孤鴻今已北翠鳥莫驕人

懷陳泊泉

咫尺何由見驚疑直到今梅花前夜信江雪眾峯深
誰斷旗亭壁同題漢上襟雲霄故人遠無夢可追尋

謂吳杉亭施鐵如姜希英諸子

贈周奏磐北上

書生三十載一研費磨磷落拓江湖手飄零著述人
憐君端水返畀我石材新還贈金門去文章早致身

送阮見田歸漢陽

津鼓聲何急孤帆不可收歸心漢陽樹客意贛江流
南北知安往才名慎所授倘能奉慈母亦足傲王侯

曉過桂竹村晤邊秀巖明經不得

昨夜山月白，獨鶴揚其音。起見木芙蓉，始知秋露深。幽人方晏起，落葉盈籬陰。濕雲散高閣，爨煙起平林。初旭流團團，書聲出森沈。隔溪欲相喚，我馬驟駸駸。勞生無停跡，結想非華簪。尙計山中居，夢與蘭桂尋。乘月倘更來，膝上橫瑤琴。

宿南源蕭氏書樓

小樓孤枕深，寥寥但泉響。中宵永不寐，天海發遐想。風生眾鳥驚，山動殘月上。起視寒星斜，呼童理行轡。

入廟口村飲梅花下

三十二峯雪，不知梅花開。馬首東風香，稍見翠羽來。獨往易山色，孤吟當酒杯。一花一杯贈，日暮臥深苔。

雨後憩何君洞

一雨幽禽啼漸聞山香眾惟因事塵鞅遂得理清謁溪喧古木靜
石瘦白雲重九仙不可私天與吏人共

峽江十景

先生集中無此詩家拭於峽江志鈔
出補刻又李雨村詩畫亦載四首

玉峽雲濤

玉峽餘巨將十里夾束贛江砥巖插天奇石

萬疊白雲滂壁老樹摩空千里驚濤澎湃蹴踏兩岸石
棧盤削筍輿珂馬倒影澄流劒閣荆門雨兼其勝

長風夜吹青玉裂五嶺梅花瀉香雪壁嵌空天鳥雀巢潭沈斜日
龍龕宅白雲蓬蓬不作雨崎岸春濤靜吞吐誰歌水調棹飛來翦
破練江霞一縷

象江煙樹

自象口至仁和墟舊名象江見金文靖公象

江八景記沿江長林蒨鬱修竹便娟輕煙引素積黛飄
空瀾漫無際風帆沙鳥掩映於羊角鶴峯間如展襄陽

圖畫

象江江水平如砥江上長林低映水花邨板屋一千家盡在參差
素煙裏蒲帆裊裊溼雲白玉筍東峯鐘響隔三洲杳靄何處舞浦
外鷓鴣愁遠客

巴邱晚照 古巴邱卽今鐵雷山萬壽寺一帶地周公瑾
遺竈在焉每夕陽欲下老楓凝紫蔓艸拖煙牧笛樵歌
一望蒼涼殊足供人憑弔也

青山迤邐原蕭颯四壁楓林作頰色斜陽欲下不下來野風吹墮
棠梨赤周郎遺跡蔓草橫鐵池錯落土花生沈沙斷戟英雄恨付
與鷓鴣三兩聲

玉筍晴嵐 玉筍根盤百里古稱洞天福地雲臺霞磴花
榭益池奇瑰不可殫述春秋新霽嵐氣撲空萬壑千崖

浮青拂翠如屏風九疊餐砂梅子採藥何君恂悅見之
三十二朵青芙蓉隔江插作長屏風樓臺飄蕩樂恂恍中有仙子
驂飛龍朝嵐太古色不洗半落空天半秋水我欲收之紫霞盃和
以丹砂作香乳

六石香泉 六石奇甲天下曰尖石溫澗石鶴石龜石泰

石仙人石相距各里許奇峯邃洞直插霄漢松栢森羅
溪澗環繞無異蓬萊方壺隨風欲引去也中有仙人泉
大畝許清冽在慧錫諸泉上吳氏建一閣臨之余題曰
環玉

玉笥山前六玉石白玉爲泉青玉宅怒蚪騰地一萬條古栢摩天
二千尺丹膏醴液何深窈上覆琪花與金艸夕陽駐馬試軍持不
信仙家有蓬島

三垤積雪 上中下三垤山長四十餘里接吉水境高薄
雲霧虧蔽光景積雪初晴穹窿晶晃瑤圃玉峯不是過
也

三垤插天互騰踏倒影文江連玉峽風吹一夜玉芙蓉曉起瑤臺
遠環匝昔年曾泊蠡湖上愛看匡廬素晶晃會須騎蹇度石橋亂
插梅花酌邨釀

成洲帆陣 峽江中成子洲長十里風帆自潭塘口沿洲
北轉而東復折西而南竟日千幅萬葉迴環迤邐遠近
參差儼如羽騎千行不數衡湘九面帆陣之奇無過於
此

大帆環環巨義裝小帆葉葉欹且張遠帆近帆互戢齧五花八門
羅成行老魚銜尾吹江色成子洲頭鳥低拍龍母歸來鏗大鯨十

里桃花散晴雪

苦竹漁歌

南史歐陽頔屯兵苦竹灘築泥溪城以拒周

文育城今烏口仁和墟地灘卽墟前甌篔簹也呂師漁父短簑低篷沿江上下朝煙明滅夜火參差漁歌四起十里灘聲如相互答

泥溪城前春竹苦渺渺平灘接芳渚蟲沙六代盡蒼茫點鳬鷺散寒雨漁莊釣舍艇相逐夜火蘆中爨山竹一聲欸乃四天空片月吐江遠峯綠

玉澗飛虹

玉澗在玉笥山麓漢武帝時墜玉梁至獻帝

時化白龍飛去其泉自三十六澗合流奔赴直趨贛江凡三十里如白虹偃蹇揚霄貫日兼栖賢三峽之勝斷岸懸梁琮金戛玉恍在紫陽子詩句中也

雲儲洞與海眼通，九仙手瀉青芙蓉。
玉龍萬古飛不盡，三十六澗爲長虹。
界天挂雨無銷歇，永夜雷車走超忽。
宮亭三月漲桃花，半是施仙塢中雪。

金沙耀月，黃金江據峽上游。
卽樵夫浚金沙，漁人網金牛處。
兩岸平沙鋪雪，素浪拖銀皓魄橫江。
金礫相射，爛陸離一望皆元圃瓊苑。
相傳江中有穴，通玉笥洞天。有人曾入其中，見多珍怪，駭怖而出云。

金江浩浩，金沙湧江靜。沙平月華重，一天星彩映。
相鮮萬頃珠光凝，不動洞門窈窕不可測。
路與羣玉山中接，挈舟莫更逐漁人。咫尺蛟龍恐相失。

一南昌汪蘇門太守齋中詠古三首

甘泉宮長生瓦，太守官漢中得之。渭濱野店破籬下。

蒼鷺出地銅駝哀三百六十宮成灰甘泉青鳥飛不下西風掃盡
通靈臺金人辭漢已悽惻敗椽遺甌彌可惜誰令萬劫自長生飛
映寒鴉朝日色先生攜之下焉耆捷書頻草露布馳酒酣出此一
洗滌劇如十五秦女肌想見破籬殘雨膩渭水晴光壓歸騎楊柳
如垂翡翠溝桃花尙蝕鴛鴦字齋頭相伴尊盃古綈錦包羅繫以
組繭紙今當費楊摹玉鉤曾與親摩撫子雲作賦骨已朽剩此隸
傳延益壽淚滴沈沈墨寶中上陵磨劍嗟何有香焚銅雀久煙塵
搜古方知物賈真不見江城斜照裏遊人誰問灌將軍

淮陰將壇石甌 壇在漢中府署後圃太守於通守署傍
掘小池得之

南昌堂中一甌石云是將壇之所得風雲躍起二百州見之欲拜
淮陰侯輪囷蒼玉斑斕碎薛作珊瑚蟠翡翠捧出巾箱滑不支滿

堂賓客皆愁視鄼侯搏土舞陽樂金星揮斧天臺斷八方旌幟插
當中百仞虹蜺蟠在足出來胯下登壇上石下鞞聲石上將石亦
以氣載英雄餓夫壯士皆神王三軍肅肅石若秋將軍履之腰寶
虬山東諸王豎子耳石上已知頸血流九日之齋九賓禮空有滯
聲流潛水誰知赤帝棟炎炎基厥山河茲石始石如王孫不背漢
鐘室寃餘猶燦爛悲魂回首土花零城固山頭淚一段高皇檀樹
跡全昏項伯墳甌銅不存我公掘之荒棘下新鮮寶色摩朝曦古
來微物有遷守婣雅深心藏弄久不比五鳳二年甌磨礪毋付
兒手

武侯墓鐵蒺藜 蒺藜大小二十餘枚太守任漢中通守
得之於墓前耕人

定軍山前雷打鼓丞相墓傍月黑雨漢家鐵騎捲空馳渠答森森

怒出上當時討賊屯武功連濠密布軍威雄八陣圖銜蛇鳥伏九
原力破風雲通先生拜墓停驄馬耕夫拾獻祠堂下擲作神燈嘯
地飛橫爲霜鏑當頭灑滅魏吞吳氣不縮祁山渭水生芒角天教
未死英雄心刼過龍溪猶騰蹴通守堂高夜置酒大小槎枒各蚬
螺壯士爭思拔角呼樂人盡縮彈箏手今宵傳玩眼先快苔繡髮
鬚碧血怪如聞弓劒伴惠陵不放輪蹄走鄧艾純臣淚爲疆場涇
燭影搖紅獵虎立爲公捉筆那敢題恐有前軍大星入

賑災篇

濱彭蠡洲渚民築圩爲田乾隆丁亥夏秋之交積潦衝
決傷禾稼中丞以

聞荷蒙賑卹自勘災迄普賑凡六閱月歲事追思致災有
由備患宜早作詩六章用自紀焉

彭蠡瀦東南上曰敷淺原塗泥皆膏腴包洲爲堤園亦有薄租稅
亦有高里門但貪魚稻多甯計畜築繁覆載本無私靈潦偶札昏
洪波一不戒汨溢蛟龍吞既少倉廩儲况乏竹木棊利害相倚伏
蚩蚩昧其源所幸以偏災飲食仰

國恩

民飢在波濤吏飽坐堂廡藉曰獄訟繁何以對肺腑分官臥嬾
遣隸助翼虎豈無舊冊稽常恐影射苦何如遵履畝瘡痍手摩撫
愿者各沾漑黠者孰予侮但屏騎從驚一葉渺空渚蛟屈與鯨鄉
愿之若庭子風寒與日炙受之若涼雨

呈心調玉烟霄汗念八方痼瘵一上聞惠澤下九閭區區我偏隅
瑞禾出太倉大穰不少屯慎毋去其鄉豐歉事偶然所重耕與桑
勉爲太平具其氣常揚揚

孰爲我嬰兒孰爲汝慈母老幼牽吏衣啼笑望哺乳不食已三日
傾之涕如雨聊傾貧吏囊暫充汝驚釜敢云吏所私仍是
君祿精不職以致斯俯仰慙對汝

小魚戀煦沫伺之者鸛鶴哀鴻濡稻梁旁有狙鷹攫一圩一長踞
一圩一隸囑此輩懲爲貴危哉民食奪戶口既侵漁雞豕苦烹捉
窮民罄罄啼不得分升僦迫之冒死控請張咎俗薄休嗟民不仁
吏自傷薶蠶刈莠長嘉禾毋使禾根削璞玉在崑岡毋使石同灼
寒風縮湖波煙火茅茨高雞犬飽嬉堤婦子傾新醪飛符集畚鍤
伐鉦復鼓鑿雖云息老物安可事迢迢明年歲困敦主脉早發膏
防患豫綢繆天和迎以勞

皇恩雖寬大未忍長倖邀視彼知風鵲各已營其巢

贈藥師院複亭上人

師傳爲吾楚永州人某別駕公子習武事出入蜀中邊
塞嘗揮金救友於獄能挽强弩射十數虎一日棄妻子
落髮戢眉伏虎寺飛錫來豫章見藥師院爲馬祖道場
傾圯殆盡乃入居之闢荒田十餘畝躬耕自給不入城
市大脩精舍一木一石皆出其手堆阜種竹號萬竹亭
今年八十餘猶能車水灌田又能濟人困急鄉民皆德
之余以勘災散賑數宿院中見其所吟詩皆瀟灑有致
尤工壁窠草書贈以七言二律師大喜書之於壁

誰能一口吸西江愁煞參禪舊老龐夜宿千牛聞佛吼朝攜半鉢
咒龍降炎塵赤腳翻車水黑雨長鑱種竹椿宰相十年成往事也
分爐芋倚秋牕

鄉閭不語姓名真公子狂夫想夙因救獄黃金揮百笏射番鐵弩

挽千鈞參來猛虎刀頭血飛下
我眉雪頂身今日鰌箕相對坐
師

師川馬祖所居鰌箕中
禪語著其齋曰鰌箕

南冰篇

今年苦寒不可當
冰稜三尺厚且強
遠歸老父來弔唁
入門錨豚走仆僵
老妻急呼添獸炭
更沃醇酒羹椒薑
我生以來未見此
百果凍焦松柏戕
牛馬半死况烏雀
餘年或恐難自量
卅載作客飽寒暑
請語父老休徬徨
初冬豫章三丈雪
閉戶十日無齋糧
章江冰結吁水縮
蛟蜃沈浮愁取將
我時攜家度彭蠡
朔風刮人肌起銍
妻孥稍幸各有活
得返故里相訊望
乾隆八年京師熱
六街爍火水沸湯
九門出冰窖將罄
更施棺槨卹死傷
其年徂冬少冰雪
貂狐價賤絺絺裝
近聞北地施蚊帳
老翁負暄不立牆
南寒北暖地氣異
未聞夏雪冬不霜
五帝平分各有執
權衡規矩列四方
隕

不殺艸李梅實宣聖書之災殊祥冰壯腹堅載月令凌人周禮司
斬藏天以洪鈞轉元氣太平民物壽且康祁寒暑雨各有怨造化
豈得私周防簷鵲嘔啞推被起請看旭日升扶桑

鍾陵懷古六首

澹臺臺

澹臺門裏澹臺臺半倚山光半倚湖休說斬蛟投璧事南來吾道
不曾孤

孺子亭

名士紛紛鉤黨年東湖一老獨翛然而今亭子煙波外只有桃花
撲釣船

洗馬池

漢室山城盡壞基章家舊宅艸離離游人但訪斜陽瓦不記將軍

洗馬池

寫韻軒

歌終攜手出西山夫婦神仙事等閒閒盡碧桃騎虎去并無唐
在人間

雲卿圃

一圃穿湖臥綠筠不知世外有經綸曲端旗卓中原壤猶自函書
召故人

斗王廟

將軍城上望龍旗壯士竿頭頸血悲十二金人低首拜江流不洗
斗王祠

忻園雜詩

庚寅孟春自豫章挈家歸湘

城東一園林欲問誰氏宅僮僕紛迎門妻子各歸室始知吾有廬

亭軒亦羅列浩浩立無端驚喜淚深滴昔促皋廡居我母苦偏側
今我歸棲遲思親不可得

好竹不多竿好花不多株老妻指歲月手自辛勤鋤出門共我長
今與樓扶疎供君理壺觴供君蔭琴書回塘有釣溪約略會種魚
待葺南廂屋爲君友朋居朋來席地坐仰視綠滿除誰知非文章
迺出針紉餘勞生暫以息經旬髮不梳君子安其常浩歌自如如
隣里攜酒來語我酌且歌少者長子孫老者歸山阿別子十餘年
髮華顏則酤昔時鬪酒處大柳繁枝柯今歲苦冰霜念子行江河
冰霜不足云歸鄉幸已多

仗劒三十年行役事已久洗橐垂入門黃金復何有但問詩幾何
酌我以樽酒因知疎狂人作吏亦不苟風塵面黧黑差未成老醜
指點盤中餐粒粒舊田畝今晨新雨來長此數畦韭人生故鄉樂

滋味君始否

昨日梅有葩今日桃始華
墻竹穿隣筍繞屋肥樁芽
含笑謝隣翁地亦憐我家
借子數竿陰聊以夕陽遮
月土邀子來杯影看龍蛇
南山有薄田稍亦理農事
赤腳喜泥融荷鋤領泉意
新苗擢其英恰以好風至
紅樹讀書堂十里環兄弟
斥賣半他家生死餘涕淚
先人有遺業天未忍使棄
甌勉作伏臘努力報租稅
俯仰夫何如終始一貧士

丁亥季冬叔和五公卻七十稱觴於弟九鐔吾溪宅後蓉

湖建八卦亭咸稱爲壽星亭叔卽顏曰蓉湖

吾溪卽界以爲別號

甯波賀君雅庵琛同劉太史校之權之伯仲陪辰州諸

太守重光同遊吾溪弟爲設宴諸公飲酒樂甚約共唱

和韻題良久原唱未至三君和韻無從庚寅閏夏予由

南昌令奉諱旋里來省相見久別敘闊留宿其中值旱逢甘雨題詩喜共和韻

半倚銀塘半面城荷花北檻竹南榮閒添文酒留連興臥聽兒孫誦讀聲夾澗綠波畦稻出滿簾翠黛嶽雲生名山著述身強健挈榼朝朝向此行叔于歸後尤富於詩

面面涼颼暑自回八牕都爲阿戎開香波乍拂文鶯起時雨新從紫馬來紫馬山在湘西三砂磯十五里十載離情依杖履一家好句在樓臺連宵大有燕雲夢春草池塘句更裁謂吾溪甘一弟

附錄和韻

叔坊和五

落星田石顯名城天賜蓉湖花柳榮七十若教開綺宴一亭誰與聽鶯聲笋穿治地筠全秀荷破魚缸藕徧生竹綠蓮紅池沼靜駕鶯翳翠鏡中行

客約留題醉便回此間生面倩誰開雄才不有南昌至好句誰
傳紫馬來我引清風吹戶牖君攜時雨落亭臺陳篇新政交相
問榻下都教孺子裁

伯祖度西先生生平宦游所至豫章爲多其集咸豐既竣而刊
之矣庚辰秋復官豫章攜以自隨辛巳攝篆峽江峽江又先
生乙酉歲舊治地也縣多佳山水竊怪先生集中題詠獨少
忽得公門生楊公飛湯公元珪兩先生手鈔讀之皆今集所
無而玉筍山水之作居大半焉先生又爲峽邑修志乘撰十
景圖序窮源索委力刊譌謬以成一代文獻距今五十七年
而秋復官於此問其遺愛父老猶能言之况手口之澤存耶
因亟補刊之而敬識於後道光元年十月姪孫家秋書於峽
江官署之靜鏡堂

如泰沃

男聲有普孫啓豐校字

裕幹光

紫峴山人詩集卷十一

湘潭張九鉞度西著

姪孫家斌重刊

粵游集

乾隆庚寅辛卯

馬太安人既葬於圉居之閨夏省先資政公於長沙跋湘帆詩話七月如廣州寓濠畔街卧病逾月徧歷羊城名勝辛卯二月歸湘中著粵游集

將之粵中別家人作

烏桃初熟白棗肥黃雞繞樹重不飛
老妻攜甌醅新酒兒從江上提魚歸
煮魚把酒看江色過嶺羅浮青到宅
麻姑仙壇小鳳凰招我騎之下南極
亦知久客宜家室亦知勞吏宜休息
東流之水西流魚吾生那得圖甯居
兒女羣衣不可住徑攀湘月挈舟去

次空靈岸

火雲出無時雷在數峯雨秋從客帆來
蒼然入殘暑花明湘浦色

鳥沒羅浮羽，懷抱亦何常。臨流暫延佇，

晚洲

嶽樹望未窮，合沓天在水。秋雨斂蟬聲，湘煙澹初起。遐懷依昔路，塵事隔芳軌。惟有擢歌人，曾逢洞庭淚。

嶽中舟行六首

嶽雨洗新秋，瀟湘擁翠流。天風一千里，不斷陣雲愁。城郭松杉市，人家橘柚洲。吾生舊漁父，浩蕩逐閒鷗。中峯出白雲，雲裏祝融君。紫蓋高相映，朱旗望不分。煙清孤鶴下，風定一鐘聞。峒嶠無人跡，長懸玉簡文。湘娥鼓瑟聲，中有一舟行。洗墨憐新漲，抽帆趁曉晴。空明天鏡潤，宛轉翠微生。况駕羅浮羽，招邀倍有情。山北復山南，朝嵐接夕嵐。畫圖描不定，金碧靜相參。湧出芙蓉朵，

橫抽白玉簪，九龍分一半。飛下絡絲潭，

白露澹初下。湘川涼欲波，不知明月上。何處采蓮歌，

迴船入綠蘿。元君多女伴，彷彿弄笙過。

海日銜朱鳥，天梯架玉虹。香泉三伏雪，鐵殿五更風。

攀緣興未窮，結廬欲何處。只傍懶殘公，

衡山城下懷聶二環溪曉嶽山房

環城數十峯，吾愛曉霞濃。昔日醉歌夜，開門雪萬重。

知在幾芙蓉，無語打帆去。空聞江上鐘，丁丑初春赴郡宿此

合江亭

孤亭俯石鼓，少日題詩在。甲寅仲秋賦詩於此不見當時人，

山風吹衣帶。秋爭嶺嶠入，水滿蒸湘會。獨立轉蕭蕭，猿聲隔蒼靄。

一作轉蒼茫

栢坊暮行遙寄衡陽申鐵蟾明府

湘源不可極日暮信扁舟
嶺色含殘雨江聲作早秋
漁煙隨月上
後火帶山流前路瀧歌發
應逢元道州

懷古二首

河東著作才商周古彝鼎
衡湘鬱未開帝遣作司馬
朝臥西嶺雲暮宿澄潭下
煙波入搜滌萬物皆陶冶
不以遷謫來誰復知愚者
至今瀟水上草木香如瀉
詞章性情真豈在大原野
諸記左騷餘千秋遂和算
報國有外臣更獻平淮雅
粲粲元道州折節讀異書
辭官猗玕洞再把灑溪鋤
詰屈詰與盤老氣不可除
挺立開元中李杜相騰掣
扁舟入九疑結宅臨清潯
雲山韶濩音寫付湘中漁
漫士非浪官歌行變雅餘
五十作猗櫓冰雪爲襟裾
誰知八州使樊上舊酒徒

涪溪摩崖碑

秋濤春天發怒機號空眾竅爭赴之插江精鐵三百丈鬱鬱虎豹
蟠蛟螭仰見大唐中興碑橫亘五嶺青冥陘道州刺史天骨秀今
周後漢鑄偉辭手懸乾坤雙日月山河筆掃無瘡痍洗兵馬行西
巡歌見此得無相聘貽二十四郡一男兒腕底屈曲生英姿蠶沙
印泥亦何貴忠義之氣揮淋漓恍如河北建大旗振臂一呼賊膽
褫當時胡不揚萬本山東諸道傳奔馳讀之駭汗手戰慄賢于十
萬熊羆師唐亭窳樽遊戲耳大文星斗光陸離今風雨無剝蝕得
非神鬼來維持平淮西碑書者誰惜哉砂石相磨治文章自古有
遭際令人嘆息湘江湄

家試案瓠字毛
晃韻亦作平聲

湘口聞笛

猿啼山雨歇月上青楓林一夜聞橫笛那知湘口深離憂在中歲
獨往少瑤音應有蒼龍起休爲入破吟

祁陽晚眺

湘風靜不波，湘煙澹如水。石秀岸多花，魚明苔見底。城連斷杉外，鳥沒青松裏。欲問虞帝居，蒼蒼暮雲是。

周堂寺

連山聳清流，上接越城曲。秋光遠開圻，古市涵雲木。寺懸洞迴丹，蟬噪潭彌綠。送客不知僧，獨立清心目。

望九疑山

九疑南戒雄，祝融之館邸。橫開朱鳥陣，遙亘中原紀。羣峯列兒孫，五嶺入鞭箠。台省難具窮，恂怛忽不倚。手把蒼梧雲，散作江漢水。長風蕩暑門，秋氣破漲海。石樓揖羅浮，玉女牕如洗。卉木互勝蔽，二儀錯光晷。頗聞天池上，噴沫無停軌。仙雁一飛來，元黃接蹤汜。中有虞時氛，太古未開啓。何況秦與漢，敢置偏師壘。珠邱何處是，

六龍望以埃冥冥，蕭韶聲煙雨愁帝子。

海陽山尋湘源作

湘人五十載未得尋湘源，扁舟及秋來我心矢不諼。
海陽稱吳府，勢揖朱陵尊。嵐木密鬱蔚，香草秀而蕃。
有時作雷雨，滂澤迷朝昏。遐討遂清遊，逸興資騰鶩。
其地應離明，山氣和且溫。盈科但濫觴，渤解若吐吞。
天漿劑不竭，珠璣勇爭翻。地名入終古一璿池，七澤歸胚渾。
萬類日卷舒，湘靈澹無言。何時史郡監，開渠立斗門。
分流走炎洲，南北行蜿蜿。勿言相離苦，神用承坤元。
大哉德悠長，飲食荷至恩。禮重祭先河，藻薄忠信存。
回塘菰竹淨，丹旗揚續緇。白雲滿去帆，贈我新蘭蓀。

靈渠篇

蒙恬起長城，史祿鑿靈渠。當時但笑秦人愚，利在後世孰可誣。

然蠻陀絕道橫五嶺戈船何以直掃炎山隅湘灘從此相灌注鐸
觜銜尾行舳艫粵嶢楚稻若綰轂豈獨珊瑚犀象與明珠當時揮
斧龜烝徒叱龍龍渴目不盱銀河掛壁怒傾瀉巨靈半掌來撐扶
長堤蜿蜒鐵不如包絡坤軸懸星衢斗門穿天三十六天以梯使
帆奔趨牽緣分寸忽一落光怪閃赫猿啼呼茫茫大野俯何徧微
煙或是巴陵湖海鼇至今眠不起貪享酒醴驕村巫渠流碧玉漢
將廟舵樓紅豔彈等姝乾坤轉徙在指握桑麻美利誰膏腴石不
可以鞭鐸不可以驅老謀籌國斯獨殊屠睢周竈胡爲乎吁嗟郡
監真丈夫清麓石最鉅今在渠堤神廟側

伏波將軍

司在鐸觜

凜凜伏波祠孤懸絕壁危地開秦斧鑿天挂漢旌旗將近飛鳶渚
如聞下瀨師誰歌武溪曲風雨夜迷離

由分水塘行至興安縣

絕頂瀟湘水分蟠雙白龍飛來陽海石流下越城峯帆影秋霞半
人家翠壁重今宵好明月應聽嶠南鐘

桂林觀黨人碑

端禮門前一片石黃門夜半毀不得妖星奮掃殿庭來懸作西南
光斗極七星巖高碑作障灘江蹴踏神爲王但知元祐舊罪人誰
識崇甯左丞相君子小人分黑白豈在放流與誅殛請看九鼎象
神姦卽在當年文字識司空作書媚多姿此手精神曲倣之潭州
地下窮奇骨羞作河山知不知八桂林中青芙蓉行人摩挲揚一
通姓名倘附休垂涕寄語長安老石工

大融山寄內

山深老狄啼瘴急蕉花謝湘水自北流離人獨南下

望獨秀峯

峯在貢院中時值秋闈不得登

斷壁丹霞峻清秋石氣深城雲生四角桂海壓中心松栝皆空翠樓臺半暮陰由來蓬島地不必問登臨

飲臬署齋望寶積山武侯亭東吳公子耀

秋色在巖壑銜杯望處濃香煙流綺席斜照破疏鐘直接虞山勢猶傳漢相蹤明晨騎馬去迴首老人峯

試劒石

伏波巖下

漢將一痕劒鬣天萬仞巖半江沈紫翠絕壁倒松杉古洞穿城出斜陽入寺銜淩風吾欲上長嘯攬征衫

七星巖

江上羅巖勢雲邊出洞門初疑星有路忽訝地無根龍氣浮龕上

僧房鎖瀑喧春來拏棹入或是武陵源

陡河曲首

嶺色千重雨萬重孤城吹角月溶溶啼猿只別瀟湘去史監祠前
又曉鐘

秋風吹不度巖關削作青天碧玉灣三十六門流不盡白雲猶隔

馬頭山

舟歌云三十六灘七十
二灣灣灣望見馬頭山

黃泥峽

朝發黃泥暮牯牛鷓鴣啼處客行愁蠻江亦怨相離苦雙女溪前
不肯流

飲桂林沈魯堂太守署齋

地接三湘北樓高八詠名壺觴追昔夢鼓角靜邊聲桂石羅天秀
灘江繞郭清短篷明日下回首獨含情

逢西隆州朱繇事青霄席上卽別

肝膽中年盡材名大帥知微官懸瘴郡八口寄京師事業皆如此
壺觴欲對誰只須驅馬去吾亦掉船旗

與桂林朱青霄別

莫以今時見樽前話愴神夕陽下桂水又近別離人

劉仙巖

羣峯出桂海古色抱江城我愛清秋好因之放棹行秀雲浮木淨
碧鏡倒沙明何必神仙宅杳然塵夢清

望陽朔諸山

石氣森天地冥冥十萬株雪飛峯外早江逼峽中無斷壁分晴雨
迴巖入畫圖啼猿亦何意淒切傍征夫

泂江上望嵩臺微雨不得登暮放舟泊羚羊峽月出登

靈山寺作

憶昔玉堂仙人來炎洲約余牂牁江上開詩樓芙蓉把朝金闕去

雙屐不到端州遊

乾隆丙寅與樸山宮詹視學肇高以書約來幕中至嶺聞先生丁內艱不果往

今年尋

湘源便過伏波臺故人招我不可住翩然飛下牂牁來牂牁來自

靖蛉脊句町龍編挾羣澤秋濤萬馬捲地馳截斷西南天半壁大

湘如壓小湘行

大小二湘皆峽中名勢接羚羊彌東逼回波卻打端州城碧

嶂朱崖皆動色崧臺縹緲出城巔七星浩沔相鉤連東峯作雷西

作雨一霎噴倒瀝湖船屏風磴道隔咫尺扶嘯何人邈難卽落花

漠漠亂猿深玉女珠簾挂虹蜺得非上帝觴百神鐘鼓鏗鉤閉石

室放舟雨後峽口去瀟風爲客翦江住吹散璇璣萬片雲四山吐

月衝涼霧仰見琳宮倚壁起榕陰磬寂僧燈紫宿鳥驚巢欲攪人

螺梯百級迷濛裏更登高閣望龍湫老僊笑人那得畱指點崧臺

在彷彿當空一抹修眉浮海門更潮劈峽響澎湃銀光射泐澗下
踏沈沈煙水寒萬石生香露華上舊恨新愁此獨攀絕景欲別仍
盤桓他年再與山靈約一訪岡臺眞屋閒

西南驛對月

一夜西南月催人思故鄉海高星斗大天盡水雲荒誰送靈娥藥
徒勞織女裳牂牁流夢下又到尉陀岡

沙灣別李生炳梅歸嘉應州

歌聲同出九疑山秋水三江打棹還君夢莫依斑竹岸行人猶在
荔枝灣

阻風白鵝潭

最恨離支樹難遲待客來更將飛雨黑遮斷越王臺
偕耿湘門遊城西長安寺登龍藏閣作歌

文章有神在山水結交況得天下士肩輿扶病伴我行長林古寺
郊西美西郊南漢芳華苑十里秋光半塘半回橋通浦羅水廣山
樹連岡起別殿獻壽爭擎珠子杯蹋歌恣擁紅雲宴侍中學士飛
騎歸醉插芳桃壓嬌面北亭雄雞啼地黑十二金人各無色蓮花
散落萬寶幢老榕子墮僧頭白野沼空餘蘓筏浮耕夫猶想鋤
拾昨夜西風掃高閣三江回湧當寥廓赤鯨遙截虎門開破空香
舶扶胥躍蕭蕭萬樹不聞聲一碧南溟靜鵬鷃君不見離六堂中
人不來半帆池水荒蒿萊開鴛作舍亦何用小浮山色安在哉風
波佛地有浩劫何況望春天慶空塵灰不如吾曹短筇破笠子相
與晏坐青莓苔龍天帝釋莫惆悵看取花開一吸三百杯杯前濛
濛湧海月聞鐘又向西郊別

光孝寺南漢金塗鐵塔歌

黃雲沈沈白日澀鹿王走壁龍女立瘴雨欲下榕淒淒怪鷗簷底
呼人急當時南溪二十八宿寺訶林名以興王易山門鑄此鐵浮
屠華闕雙標亦何事東塔輪囷萬楹倚渴鱗倒銜朱鳥鵲千年苔
蘚蝕不死閃閃走影玉池水教中大師四尙書秀雲宮使爭冶模
李衡倪曙抽身死銘詞定出盧膺諛西塔黜銘模糊誰其監者
龔澄樞土花亂嵌紅珊瑚三十二娘女弟子得非瓊仙髮壽宮中
姝芙蓉湧出天人相火睂字髮兜錦扶降王原是蛟蜃身殺人有
暇攜諸髡蕭閒大夫煙月主干戈那復愁中原娟川都珍幻法象
龍涎吐結千子孫鏐精山骨牛車竭飛廉鼓鞀祝融赫赫徒灼灼
入洪鑪女戎煽豔揚華焱黃金灑滿鬢華林餓虎飢鷹攫不得誰
知風送水田來相輪欲語無顏色我聞錢王金塔裂兩片歌紀人
閒姜白石又聞揚吳鐵佛字銷磨散作錢刀滿阡陌那如此地避

修羅供以栴檀鋪赤城豈真佛力護荒淫覆轍當令後人識老僧
綈帶對塔禮長明燈焰手挑起漏痕釵腳肅客觀鋒稜橫揚側理
紙拈來一笑坐斜陽謾謾寒牕落詞子

題貫休所畫羅漢應圓德上人索

赤日未沒燈睽睽風吹貝樹交磨颭胡僧突出欲愁人花覆杪攞
壓雙臉梵經摩几準倚毫欲寫不寫目規規巾瓶侍立者僧雛月
面倚扉見還閃堦前敗籜蕭蕭飛老猿持帚啄垂獫樓衣箬笠對
客來驅不敢去立瘠貶細觀禪月之所畫入定靈姿發光燄玉叉
著手尙遲疑蟬絹斬新猶渲染粉精墨妙二千年蜃壁蛟楹伴鐘
弁當時曾說十六圖如今零落拋厓隙聞有三軸在人間勢豪攫
去誇姦詔珠船鐵網夫如何貪嗔之縛亦可忝誰欺乞取趙州僧
束皙補亡欲情慊龍眠白描正面難何況楞伽筆嫻嫻酌僧苦茗

爲僧歌神物聚散在忽奄宣和太清六千軸錦暉牙籤不終斂伏
梁闥楹詎足全毋乃詞人語虛歎已能一嚮飽老饕何曾片璧噉
瑕玷門前車馬又鏗鐺佛果垂垂請深掩

同仲掌文尋浮邱遺蹟不得泛小舟珠江晚入五仙門坐
靜一庵聽祥上人鼓琴乘月過耿湘門素舫齋

南風收雨珠江涼刺桐未落扶桑黃小舟沿濠穿柳出迴波一道
青瓜瓢仲君磊落茗溪客四十飄零猶射策羊城有廡賃梁鴻夜
郎無地容狂白寒潭神鵝吹古涎靈鼃蹴踏香潮妍青絲挈瓶沽
十千剝蚶斫鯉黃雞鮮木魚歌起榕陰合扣舷四望心茫然我欲
騎鸞浮邱宅老人一去瀛洲寂丹砂勾漏又移家閒簫吹笙客雙
鳥不知何處紫煙樓落花滿塢元猿隔海靜天飄一葉黃江深雲
鎖千峯碧何如有酒且對傾浦日欲下煙冥冥西颺吹客客思生

五仙畱我不可停黃蘆白葦瀟湘夢盡入七絃離恨聲老僧送客
出門去一片羅浮山月明月華照過濠上樓友人約我樓上頭寸
陰十日須寶惜况子有材足唱酬好尋素舫詩中畫更當珊瑚井
畔遊

同耿湘門馮箕邨坐五仙觀望懷聖寺埕

坡山不在高江遠得空霽一葉澹初黃秋風古門閉盤梯上圭璧
挈伴穿薜荔楚庭五冠裳遺像執香穗神羝各戢戢蹴踏摩沈翠
云茲兆豐稔牲醪每陳醊小樓霽然開城煙散無際番塔何輪囷
竿扛獨邇偈蕩空激颺輪收斧避雷勢金雞不歸來萬劫自委蛻
遂與禁鐘樓恠怳爭地竈巨人跼跡區闐闐神仙地陰房竄蒼麤
溼壁走牡蠣欲下愁鐘聲卻立褰長袂

越王臺

北登呼鷺道直俯南粵宮古木多斜陽蕭蕭起悲風一尉興龍川
絕道除秦兇象郡眾豪傑俛首効智忠擁兵觀逐鹿帝號娛南中
不有漢高皇安知非沛豐兩見陸大夫豁達露其胷天子詔至誠
老臣辭溫恭千古越文章淳樸開正宗振衣升固岡海色青濛濛
翹首望中原佳氣何鬱蔥田橫五百人一島笑不終度德識時務
兩者真英雄秘臺無雞鳴天佑保疆功順逆殊昌亡遺恨殺終童
戈船下含滙阻阨昔置衝始知霸才大耳餘何其庸長沙有番君
河西有竇融吳越有錢鏐富貴迺保躬嗤彼南漢兒蠢蠢徒沙蟲
望五層樓分韻得塢字

危樓粵之標倒壓蠻山領望望清秋日塵壘盡開霄誰移海上雲
結此孤匝匝丹碧紛離婁欄楯五吐納陰陽關向背風雨互乖合
初疑蓬萊峯湧出扶桑躡又疑蜃中樓噓氣浮渠谷自望馬鞍而

五星尙參雜豈真黃紫氣鬱律起龍蛤肯人有深心經營幾歲臘
巨刃摩豐隆孤根托閭闔橫挾一朝臺俯睨兩佛塋至今五百年
雷電走騰踏絕頂見摩雕低勢失飛鶴夕陽珠潮來倒響入鞞鞞
何時凌上頭萬里出修颯

粵秀山萬善寺

白雲飛入城西起更雄拔因窮東嶺委芒鞋踏木末臺荒徑得通
松古勢欲活共汲玉龍泉坐愛寺門豁風微霧不興了了見楊越
煙火散平林樓閣點城闕諸營垂旗靜萬馬散郊秣海大鵬翼擎
江鳴蜃潮濶蒲桃陀王宮文錦使臣節今古此越華吾將日采掇

古榕篇

交州多榕樹壯哉祝融門團團挈重霄蚬蟻裂厚坤高者結屋厦
低者盤車輪垂絲忽梯空誰辨幹與根白日不到地風雨摩蒼天

或以覆神祠或以輔城闕墟落多高樓木棉交籬樊臃腫豁其腹
誦詭難具陳工師掉頭過詎肯施斧斤不材乃天材式衍子若孫
既有交讓意復學連理繁文欄與檀楠華采傷雕鐫石鹽重且栗
截鋸爲舟船石以秀自刻香以膏自焚靈椿爲春秋蒙莊非寓言
寄謝豫章行枝葉無棄捐行一作山

順德節孝黃氏詩

孔雀飛西南徘徊悲其羣烏生帶血雛歸巢舊樹巔順德有奇媛
居曰倫教村十三學紉綴十五織帨巾十七嫁夫家蓬頭佐刺船
其夫鹵莽兒角戲竟殺人夫心本無辜夫罪誠有名滅死行荷戈
浩蕩皆

國恩牒文印如斗中有免僉字赭衣挾兩吏驅之施秉地婦跪白
舅姑夫病身止子弱女雖蒙恕大義不可釋冤絲力雖微可以施

松柏蒲葦初薄絲亦足附磐石便當隨之去不久返故國阿夫捐
袂啼憾子舅且義黔山何迢迢迢迢五千里我甘飼虎狼憐子
春齒便當歸嫁去勉事新君子舅姑亦有言汝夫大累歸去可
聽汝吾且暮死阿母呼號來得聞免食喜十七嫁夫家就寒苦
胼胝二載事獄囚生事不自理今夫又棄汝舉動適所以婦乃大
悲摧觸柱柱爲偏嫁不隨征夫不如死道傍幫刀誓搥臂魂逐夫
適征阿母抱持之便當聽汝行婦迺別舅姑入室趣治裝鬻我嫁
時釵敝絮裹着筐裂我嫁時衣藍縷補襦襜脫我嫁時履行牒縲
足霜竹擔十二節節皆鴛鴦一堂皆吞聲當發神更傷我我七
盤坡錯錯辰龍關黃熊啼其後青猊號其前朝滌廁踰行夜洗琅
鐳眠汲澗中葵藜野火燒趾然施秉雖云遠男女盈齔廬豈知妾
薄命降虐夫亡軀夫身不可還夫骨不可留

朝廷寬大恩，爵路皆掩收。况妾有尊章，家無中男謀。覆髮跪縣門，
官曰例則無。以死籲天慈，額血摧階流。動色白上官，義在其焉尤。
長女抱頸啼，婦揮泣而視。汝當事尊章，吾當返桑梓。離別非不醜，
輕重殊天地。有肩負夫骸，左提女與兒。燐火逐紙錢，燈昏猿懷懷。
路有血縱橫，今日虎尙飢。起視篋中兒，濃睡目未睎。蘇武十九年，
婦亦同歸期。昔爲芙蓉面，今爲黑麻穠。昔爲里巷音，今雜鬼羅施。
蒼鼠滿村門，荆棘竄狐狸。鄰里見婦來，閉戶駭魑魍。親串見婦來，
走避愁侏僂。道逢一老人，指翁塚壘。壘姑僵牆之陰，存亡尙傳疑。
婦號而得之，骨露照見皮。不識婦音容，篋骨知是誰。脫我身上襦，
橫裹鵲結衣。出我乞來食，粗糲和蒿藜。捉我篋中梳，搔爬去蝨蟻。
解我腰間巾，兩目拭白眵。乍見女與孫，似兒目與眉。兒歸在篋中，
父魂知不知。是日陽烏昏慘慘，雲無光。悲風咽海來，鳥獸不成行。

鄰族稍稍來觀者如堵墻婦不讀詩書何以膽智剛郡有馮孝廉
義激感綱常作啓告同儕炎風髣髴張番錢三百枚用以惠嫗孀
邑尹始聞之芳題旌其梁四角龍躩踞黃金字中央大書周子寬
節孝婦氏黃導以五色旛饒吹闌村坊行人下馬立但坐觀輝煌
門前兩榕樹枝葉何青蒼枝枝相糾抱葉葉相扶將上有孤鶴鳴
下有寡鵲翔請將錦峽石皎皎白玉肪畱我采風人表此雙鳳凰

李衛公賜帶歌

衛公後裔畱者誰衛公賜帶今在茲崖州刺史好古者辦香曾拜
祠堂下乞觀把玩久嗟咨歸來索我賜帶詩公相武宗平藩鎮君
臣一德英謀迅唐家太尉止七人無功可賞尤謙遜于闐美玉如
肪白特頒作帶良工刻十二黃金爲鈐飾辟邪篆首螭盤額朱紕
綠裏交龍施將以蒲萄文錦襲賜出滿朝皆動色彤墀拜舞手捧

歸騎下飛龍高九尺武宗升遐公謫去鋤帶獸幣作司戶歲時一
上望闕亭此帶環擎淚雙注迴骸幸得中原返此帶飄零榛莽坂
捐金誰贖子孫歸長抱綸臺守蠻蠻年年蜃雨蛇風急精爽不銷
光蹀躞啓篋如聞委佩行懸相尙想垂紳立古來賢臣重賜帶通
天犀使萊公待當時人已畏英靈鬼神呵護何須怪雞彝龍勺久
荒煙典冊三宮佚不傳誰知伏臘蠻邨外猶說唐家御賜年家棧注蒲
荀文錦飛龍馬皆武宗賜節公物
雞彝龍勺穆宗以賜牛奇章者

石愧文參軍雲墩堂觀林良雙鷹圖是日得潮州擒磔逆

賊消息

西風夜掃臺關來千崖萬壑聲喧庀槎枒枯樹鳴撼撼雨鷹突出
何壯哉一鷹猛腦眸愁側其心鬱鬱思破敵一鷹攫身爪抉石各
賈厥勇爭一撇林良作此雄傑不可當何時呼下君家雪色之高

堂海山阻深交龍從長林毒艸相蒙茸此時杉雞與竹鬼潛伺陰
霾趨且踊兩鷹倏如脫此五尺綃怒隨壯士頭虎毛揮刀突陣天
爲高紛紛凡鳥駭遁逃一嘯萬里無纖毫石君石君急賀浮大白
不見堂上鋒稜十二翻淋漓似快飽搏擊其氣萬夫猶辟易昨日
潮州方殺賊

雲墩堂再題張穆之畫馬

昨日已題林良鷹今日復觀張穆馬主人愛畫兼愛客那惜清尊
爲重把柳色欲雨絲含煙平莎刺水香連錢空江百里無一物霜
鬣欲振風蕭然甯王圖六曹霸九奔走矜驕神入手穆兮惟以一
馬工峻耳長身光突走十二天閑非入貢豈有奚官來引韉縱使
長嘶欲報恩須知獨立難爲用我云此馬如壯士天精天骨清如
水四顧茫茫欲脫羈慷慨悲歌聊自喜又云此馬如幽人空山奇

氣藏嶙峋瑤玕主璣不得恆儻然意態存其真穆兮短衣下鐵橋
彈碁擊劍聞雄豪寫來豈有凡馬想一掃海國青天高從來神物
在腰裏但恐九方御者少何當杏柏黃金鞍騎之掣出橫門道

番行篇

見外集

廣州舶市十三行雁翅排城濤綴房珠海珠江前浩淼錦帆錦纜
日翔蜃蜃街珊瑚移瑤島鯨織冰綃畫白洋別起危樓濠鏡倣別
營輿室賈胡藏危樓輿室多殊式瑰卉奇葩非一色秣鞞丹穿翟
對圓琉璃綠嵌窗斜勒莎羅絲纛天中裊碧玉闌干雲外直迎來
舶主不知名譯得舌人是何國何國虬髯鵬吹兒金衣借問欲
誰平價能諳吳越語畱賓也識漢唐儀銀錢鑄肖番王面坡鏡
分花女姿繞檻執牛和露犬委階瑱袂與駝尼駝尼瑱袂焉足數
篤釋奇南隨意取蓮花鐘測日東西百寶表懸針子午亂擲盼市

蘇合膏倒傾黃紫蒲萄乳水樂教成小鳳凰風琴彈出紅鸚鵡別
有娖徒連臂趨吉貝纏身髣髴窄懷中短舞大西洋袖裏機鎗法
蘭錫黑水龍奴荷銃嬌紅毛鬼子蟠刀拭紅手兒子黃浦到納料
開艖爭走告蜈蚣銳艇槳橫飛婆蘭巨捆山籠罩相呼相喚各不
聞或喜或瞋詎能料舶商色喜洋商快合樂張筵瓶碗賽何船火
齊木難多何地駝雞佛鹿怪散入民廛旅賈招居中駟僧公行大
公行陽奉私飽橐內外操贏智相若湖絲粵緞彩離披甌茗饒羹
光錯落頃刻檀梨走九州一作頃刻珠待時琛玩籌奇作此一作公
子擁花遊此際妖姬倚舫謳願學鴛鴦繡羽悅願爲嬌鳥挂金鉤
邛得秦璫都壓鬢生憎火浣不纏頭永清臺上鼓打急山動波翻
雷雨立鎮海將軍洗礮歸征蠻都尉收旗入轅門犒勞立斯須澳
口回船查引給回船只順北風去灑淚休辭淵室寓但述

天朝權稅輕，但誇中國農桑富。沈香官是吳刺史，卻賂吏同孔節度。鯨鯢無窟，颶無氛。

聖德柔懷萬萬春，明年好換新房揀。更有遐方來問津。

同戴萊娛登鎮海樓二首

層樓孤壓白雲圍，風急天高客到稀。大海直浮雙虎去，羣山不帶五羊飛。英雄服領餘荒艸，今古滄溟一落暉。大阮詠懷題壁在，狂歌還振別時衣。

家洲帆叔父有登樓題壁詩

衡山北指雁南征，昨夜新霜入漢營。浦靜帆連訶子國，雲銷人在木棉城。隨陽且共依飛鷗，擊水何當奮大鯨。明月九峯歸路近，天涯還繫別離情。

萊娛自豫章就塔九峯徐少尉署

詠光孝寺萬壽果

樹高三丈實如碧玉，葉如仙掌出樹巔。通身皆節柔脆。

可食八月中旬熟

佛國芳根應瑞圖雕盤欲進九雲腴
仙人掌湛金莖露堯帝門開
碧蕙廚晴日好薰鸚鵡翅湘風新颭鳳凰珠

萬年節獻天南果不數華林十四株

堯帝原本作堯母

東湘門

天尚憐吾輩如君老且吟
况當春酒熟足以貝花香
白雪紅牙板蒲萄碧玉觴
嚴城休下鑰一半駐斜陽

海珠寺

羣山南抱越王臺勢盡天浮一島回
樓湧蜃涎銜海出石騎鼉背
度江來木棉擎壁垂寒水香螭隨潮上
古苔望裏已知身縹緲况
因勝侶得徘徊

萬里炎州控制心礪臺直壓虎門深
半城鼙鼓浮簷際四面樓船

出樹陰絕微橫秋多慷慨中流有地且登臨何當繫艇來寒月飽
看珠光躍海濤

耿湘門以書擅名嶺南三十年老病手廢因余索書遍覓
舊藏家皆匿不出有某生曾拾其零星裝潢成軸以珍
練易之始得出以贈余適勁飛舞想見興酣落筆時喜
而賦紀

英山玉蜍淚雙滴素舫老人腕無力衡陽一紙重人閒散作煙霞
不收拾我來停舟急索字捶胸畫肚苦歎息當時落筆神鬼驚大
者蟬窠小螭翼句驪百濟爭流傳踏破鐵門走金帛天妒君才百
不惜胡爲此臂亦遭厄作詩但乞弟子謄學步壽陵氣調減劉之
急欲裂紙碎低頭渠几還扼搯今宵胡爲得此幅渴驥奔泉猊伏
石青天飛墮墨池雲一夜洒遍楊爭宅海幢僧羊城客藏之十日

索不得便絹十丈縑百匹勸君自寶莫吝值攜歸湘上誇友朋眞
鼎應如覆巾鼎溫茗熟玉义懸人在天南書在壁

望花塢

浮業浮屠不可登晴空百里見觚稜城浮光塢竿雙揭海湧孤樓

舵五層

羊城形如大船雙塢其帆檣五層樓其舵樓云斜

日龍蛇愁窟宅微風鳥雀失憑

陵舊遊咫尺成陳跡浩劫何須問老僧

前月同湘門諸君遊此

耿湘門馮箕村招同劉慕齋泛舟珠江

盤舫緣流載酒行平沙漲落草痕輕天暄海樹遲遲紫秋老珠江
漸漸清良友無多愁見晚好山欲別覺情生題襟樂事添南嶠珍
重人閒說姓名

訪南園社

南園五子社格律似初唐開國應如此遺民尙未忘吟魂黃葉路

芳草夕煙香異代隣臣範清風共一堂

臣範軒名南園社中

一自張丞相光芒動九州人多鄒魯學詩作歲時酬大海流炎嶺孤帆破碧秋此鄉非寶玉心折在淹留

入白雲山路

出郭卽山色况逢冬曉晴海霞收市濶洞翠逐雲生天爲丹巖暖人宜白袷輕靜靜南漢水不訪舊宮名

石淙

靈源杳無際碧澗自浮花竹色不知曙雞聲似有家緣梯半樵藥指寺在松了誰道驂鸞地翻多隣辟邪

沿山皆大姓營兆

安期祠

白雲蟠萬古瀉作九龍飛不見玉京宅青天連翠微道逢紺髮叟杖荷野花歸欲語掉頭去長歌閉石扉

登白雲山絕頂

凌空風日美，天海共澄鮮。
秀木分川色，微雲淡嶺煙。
身餘憂患外，心定寂寥前。
卻老神樓在，何辭晚學仙。

下濂泉寺

泉聲風遠近，相引下山歸。
卻顧雲橫翠，那知香溼衣。
松杉交曲磴，煙火出深扉。
欲問梅花信，幽禽語淡暉。

碧虛觀

豈惟辭項出，早作避秦行。
赤舄書空寄，丹臺地有情。
春風鋤藥路，落日步虛聲。
蓬海千人覓，愚哉此雨生。

蒲澗寺示僧力怪

菖蒲花久盡，菊澗亦蕭然。
江色數峯日，鐘聲滿塢煙。
遊關千古事，地結一時緣。
景泰休相問，吾歸夕照天。

送戴四力能歸豫章

離支花落雨淒淒送別津亭山鷗啼休說贛江歸路遠客心還在贛江西

寓濠畔小樓病中五十初度有作

三山夜雨依人地萬里秋風伏枕情嶺上庭闈思覽揆天涯涕淚滿初生聽潮早悟前身夢採藥虛留過嶺名五十郎官老賓客南遊應悔學南卿

舊樓生對一燈輝萬事萍逢舊願違老近漸尋兒女樂聞來始悟交朋稀亦歸瘴熱辭深酒黃雀風高攬敝衣若使漢陰機可息歸來真合號知非

東莞家晞郭明府約海幢寺登高是夕奉急檄旋署遣奚送豐厨至九日約同鄉賈客踐茲遊阻雨不果悵然有

作卻寄明府

嶺風吹落羊城客炎霧蒸人隔顏色小樓挑盡海鱸膏臥聽秋潮

打寒石時寓藤東莞使君吾家豪作吏不廢詩與騷常騎官馬過

巷北長安舊雨真吾曹約我珠江一杯酒海幢古寺炎州首世界

微塵問大千天涯旅思銷重九塔鈴語我當斷渡鼓打五更馳檄

去蜚老津邊收幔旗平頭戶外移樽具蟹黃橙碧負不得况復晨

曦淨如拭錢刀衮衮可憐人挾去何妨浮大白虎門飛雨鼇岡黑

咫尺蜂臺銀漢隔江山會合豈有時傲客居然似魑結濠邊辭去

瓜皮船苦遭曠冒倍索值早知此遊真鹵莽昨日悔過虞翻宅使

君有酒黃封開把書引酌清涼來黎滕都捻互摩戾淒飈簷潤聲

逾催隔溪誰唱摸魚歌鯢粒低漣苦調和舞岡魂斷降王長花斜

珮咽素馨娥平生佳節常因旅慷慨不作情如何更聞雨止天四

濶微稜漸閃禺山骨重整烏帽待君來更插茱萸看秋月

養病

勒春風雨閉禪關天許多愁未許閒欲折一枝花供佛不堪頭白對青山

擔柴運米百無能自讀楞嚴自寫燈夜半萬緣鐘打盡前身南嶽一枯僧

謁大忠祠

正氣三忠赫冠裳一代餘早知天意毒不是國謀疎艦起浮黃鵠魂來駕巨魚登瀛宮殿在如奉切君居

血戰山河碎蒼茫俎豆寒南溟無塊肉北市有黃冠精衛同填海啼鵲獨返難元家沙漠盡只作劫灰看

古壁蝸涎集荒庭蜃氣腥天酉炎日月地是朱零丁汐社遺民盡

厓門萬骨馨

時殉節者十餘萬人酸風吹野薶不獨咽冬青

祠前居民盡以薶爲菜

小樓曉望

海國雞鳴蚤江樓客起便雲盤孤島直日浴大瀛圓紅兒波羅片
青來橄欖船南烹無正味莫買蠶人鮮

以詩投家梧岡乞酒

法醖已從新歲罄濁膠還乏隔牆過况兼衰病扶須此欲敵春寒
怯奈何藏向坡公攜處有賒知杜老債家多胥餘花發車螯滿待
折黃封注巨羅

微雨不得遊花田仲掌文移樽王蔗林宅小飲湘門後至

珠蟠風襲荔灣槎短屐衝泥過別家微雨早憐人欲別隔江吹濕

陸郎花

詩豪誰似仲君殊愛客能煩左顧厨

蔗林代治庖

昨夜月明山酒到蠶

船網得四鰓

越酒自嶺來者曰山酒味佳酒遠遜

肩輿載得夕陽來入座觥籌劇更催今夕美人無夢到堦前一任

素聲開

白雨

深秋多白雨渴日在遙岑樹截長空蜺雲蒸大澤龍地維疎燥平花氣變春冬瘴癘憑忠信蠲遊憶作却

將發仙城耿湘門石愧文區南溪馮箕郎王蕉林馮蟾若

張樂雲墩堂餞別賦紀四首

今夜仙城月依依更可憐如何壯士淚只灑美人田

先擬於北田餞別洗

爵南溟水圍花北海筵越歌多徵調繡被那須眠

銅鼓釘花腰鷗絃鳳尾槽丹霞番韎舞白雪鄭櫻桃緩舞爲君盞

南音隨所操旗亭多舊曲不寫鬱輪袍

銀燭燦中堂蒲萄琥珀光華年多盛會老計在歡場落月入庭樹
微風生竹廊琵琶催不去沈醉故人鄉

南海多珍鳥各巢珠樹林一敦山水好同奏鳳凰音欲采湘離贈
蒼蒼湘水深圭璋願貞潔持以報遐心

謝湘門大西洋琉璃酒器之貽用壁間杭堇浦先生石粟
子詩韻卽用其體

我聞琉璃島石子千歲積冰崖穴裏蠶戶砂摩海質鮮龍奴刀斲
山精死舶豪幻幔拭晶瑩花女珊瑚珠礪精美漢家天使市頻勞海
上婆蘭載未已西洋酒器白尤稀紅紫縹青價輸爾雨點花兒品
驗眞灰煎藥煮粗難擬盛來獅乳誇大秦瀉下蒲萄笑古里小西
洋製遠燈前筐燦丹豹膏几上緘開蜜香紙月華射地走蟾蜍雪色騰
空壓犀兕只愁入手滑不支光閃茶蘼寒沁齒百年三萬六千觴

鸚鵡鷓鴣見應恥吸來江海作聲吞李白驚人只如此攜歸春酒
恰開尊金釧聲鏗擊不起且當再誦昌黎詩但勿相違范泰指老
羌渴吻夫如何十斛涼州願足矣

羊城劉慕堂畫海珠石便面贈行

已分孤蹤老瘴鄉秋風誰送酒船香袖中不帶黃金去山色詩人
滿一囊

阻風珠江同湘門再過長安寺畱別月舟上人

將辭厭會多未行忍情結天以石尤風使得便禪悅吾師壽者容
不爲文字湟對我澹如枯深懷惜將別老樹號古煙深牆蕩寒日
粉訝素馨垂苞看洋茶裂剝豆龍目鮮烹葷雞骨折肅然離六堂
心香在蓮舌朔風從楚來五嶺有新雪莫登龍藏閣客路雲明滅
相憶峽山南猿啼隔江月

望靈州山

我來不上靈州去放浪空閑去後名萬木蕭蕭連海下三江袞袞
入城平炎天砥柱誰孤勢風雪懷人第一程寄語妙高臺上衲白
頭重出說無生

四會家謬庭兄奉檄雲南軍營辦事三年事竣旋四會任
出其軍前畱別同事詩四首索余和韻

旄牛絕徼暮雲端羽檄交馳下且蘭幕府論功吾輩恥書生殺賊
古來難橋橫鐵索三江湧粟轉青天萬馬寒聞說元戎曾倚重薦
章捧入

九重看

當事保畱滇省兄以省雙
親乞歸粵東詔允其請

和門列旆夜蕭森北斗垂空掃宿祲萬里懸軍皆地利一隅負險
豈天心離懷已慣聽邊馬短夢何須戀越禽應使腐儒皆咋舌饒

歌橫寫漢家音

回首蜻蛉舊戰袍王師六月渡瀘勞
豪酋乞命稽膏斧大將承恩罷組綵
西賁款關仍貢篚南軍斫雪更移濠
寶刀不帶樓蘭血直挂千崖萬仞高

蠻山刁斗不知鳴蛤蚧聲中計日程
心逐票姚歸禁籞身隨朔雁下昆明
談兵說劍當年事報

國恩親一夜情我亦讀詩知感激
同摩峽石紀昇平

留寄羅璜磯

嶺南獨爾爲長句海上無人識少微
古劍埋雲騰虎氣奇書挂腹鬪龍威
西樵結客不偕往中宿訪僧何日歸
附尾噉名吾久厭憐才臨別一歎歎

杭莖補先生客
粵愛余及君詩

蓮花嶺

國初莽大將軍破逆賊馬三寶胡國柱處

晨登遇仙關遙望韶陽城韶城盡陰屋雲霧連空冥
莽爲蓮花山呼洵連荆衡我

朝莽鎮南赴險衝敵旌孤懸五百卒飲食鯢與鯨賊用革梯樹俯瞰勢猙獰將軍登陴嘯州木皆勁名梟賊以長矛屋瓦無震驚重圍匝三月賊膽紕且傾大師從北來萬刀斫其營血作瀕水流蕭蕭不聞聲完土歸

天子海颶示以甯賊盡將軍逝慘戚落大星豈徒銘旂常巷哭如父兄徘徊鏖戰地山石生精靈寒鴉渺渺飛落日江氣平

入武溪懷湘門箕邨

武溪下都龐一望盡蒼霧前宵鄉夢來只在雪深處月仍大海色客自荒汀樹惟有亂猿聲流向故人去

上六瀧詩六首

寒曦匿盡出奔龍雪戰藍豪石怒撞狹壑激輪盤大地長風驅旆
走三江炎區天險懸猶昔振古神功鑿未降道是桂陽周太守回
颿夜打鼓逢逢白茫茫

觸碧穿崖日怒礚纜絃風打響颿颿平騎黑水龜鼉脊直上青天
鳥雀巢雷破暑門搜石扇江騰金氣入黃茅年來雙鬢游中白不
爲山熊永夜咆金龍

懸洪滾滾劒峯排激浪喧豗捲宿霾攪水饑腸愁猛勢伺人寒魅
閃崩厓盤渦一悞爭先險絕境方知漸入佳把酒獨看紅樹色江
山取次入幽懷梅龍

撐空夾壁倒楓楠下有森沈百丈潭古洞雞鳴微見日斷天猿嘯
忽飛嵐乾坤鬱律何由逞神鬼呼號各不堪欲把曲中橫笛和武

溪無恨在征南

穿屐施

古木濛濛四壁黏遊夫氣盡仰西崦泉聲何處飄黃葉樵斧移時

出板檐翦纖魂招三峽外懷人路隔九峯尖

戴茶娛在九峯司未歸

相逢不

敢請龍吏身世天涯尙滯淹

新龍

山嵐日口恐行帆路轉寒瀧勢更巉越尉幾時有城郭伏波從此

下旌慘虎牙側出人分寸鳥道中央月缺纖一將當關休恃險九

泥封處是峭函

寒瀧

謁韓文公祠

九瀧橫天寒雨溼雷鼓軒訇颶風急鯨牙穿盡出青冥百尺丹祠

倚空立韓公千年此驪宇其下沈沈蟠水府同龕亦有周使君會

劈重灘揮大斧逆鱗手批撼天關佛骨未焚人膽寒南荒自古魍

魅窟上帝命之除奸頑文章光燄偶一落坐壓山川勢磅礴神煙

萬縷白鳳飛枯松掃霧朝陽躍
玃糠濁世掃者誰至今元氣猶淋
漓不歌拉子神絃曲且讀艱難
瀧吏詩

度騎田嶺至郴州四首

騎田鬱宮荒會望郴陽城
歸舟今改裝艱哉摺嶺行
崇坂接飛鳥險怪百變生
大石欲攪人落葉隨之驚
素天掃蒙霧梅花浩縱橫
悠悠南征者何以慰夙情

四山松雄雄殘雪風尙驚
白雲起蓬鬱扶將至絕頂
僕夫指前林磬確不得騁
中原貫脊脊荒微恃服嶺
大夫函使節伏波走弓檠
壯矣秦成大壘侯接梅嶺
鼓角至今喧月明百蠻冷

良田百餘家窮館竹壁破
塘寒鳥影斜風腥虎羣過
不知身青天但訝眾星大
永夜那成眠挑燈擁衾坐

翠壑多猿聲行客不得愁
嶺盡城郭出豁然見郴州
昔我同遊人

原缺